

PFUNDO LA PASEKA

1 Ndi zwavhuđi zwavhukuma u vha fhano ano matsheloni, kha lino ḋuvha ṥa mabebo a tshigwada tsha Vhanna vha Vhubindudzi ha Mafhungo-madifha o Fhelelaho fhano Phoenix, na u ḋivha uri Murena vho nnetshedza tshipida tshiṭuku tshazwo, tsha u vha tshipida tsha vhuno vhuledzani. Ndi khou ṭoda u lumelisa Mukomana Carl Williams na mufumakadzi wawe, Mukomana Stromei, na vhothe hafha kha pulatifomo, Mukomana Shores, Mukomana Outlaw, vhashumeli, na vhoinwi vhatu noṭhe vha u luga.

2 Ni a ḋivha, ndo–ndo vha na ḋuvha ṥa mabebo vhege yo fhelaho, na nne–vho. Huno ndo aluwanyana u flira tshone tshigwada. Ndi a tenda o ri, “Miṭanu na...ya miñwaha, ya tshigwada.”

3 Muñwe muthu o ralo, linwe ḋuvha, o ri, “U na miñwaha mingana, Mukomana Branham?”

4 Nda ri “Fumbili-rathi.” Huno nda ri, “Ndo fhedza miñwaha ya fumbili–thanu ya u thoma. A tho ngo Mu shumela zwavhudi kha iyo.” Nda ri, “Ndi fulufhela uri U ya ralo, nae–vho.” U ita uri A zwi ite zwi ḋo fhambana.

5 Fhedzi ndi zwavhuđi u vha fhano. Huno zwino a ri khou ṭoda u dzhiya tshifhinga tshanu tshinzhi. Ngauri ri... Ndi–ndi dzulela u tshuwa, murahu ha musi ndi tshi pfa vhuñwe ha hovhu vhuṭanzi ha vhuđi, na zwithu zwine zwa khou iteya, zwine nda...na nyimbo, uri ndi ḋo ita tshiñwe tshithu tshine tsha zwi khakhisa. Huno ndo ṭoda u engedza khazwo, arali ha vha na tshiñwe tshithu tshine ndi nga engedza khazwo. Hedzi khaladzi...

6 Houla murathu we a sima luimbo ano matshelo, murathu wa mukhaļadi, ndi a takalela izwo, *Lito Kha Lunzhaanzhaa*.

7 Huno hedzi khaladzi dze dza imba holwu luimbo, lo vha luñwe lwa thuso yanga u bva tshe nda ḋa fhano lwa u thoma. Ndi na izwo. Ndi na ulwo kha rekhodo, huno ndi kha ḋi tou bva u lu tamba, *Ndi Tama U Zwi Dzudzanya Nae*. Huno ndo humbela Mukomana Dawson Riley hafho, khonani yanga, arali a tshi nga ralo, vhañwe vhavho, arali vha tshi nga vhonu uri vha wane avho vhabumakadzi, arali vha tshe fhano kha lifhasi, uri vha luimbe hafhu ano matsheloni. Huno ndi a fulufhela uri Terry u nalwo. Huno ndi a kholwa uri o ralo. Ndi khou ṭoda u bvisa hezwo hafho, khañwe, kha rekhodo kana tshiñwe tshithu, ngauri ndi a lu funa holuya luimbo. Huno holwo ndi lwanga...lutamo lwanga ndi u zwi dzudzanya Nae. Ndi elekanya uri roṭhe ri ṭoda u ralo. Ndi ngazwo ri fhano ano matsheloni.

⁸ Zwino, miṭangano i ḫaho, vhege i ḫaho. Naa zwo luga u zwi amba? [Murathu u ri, “Zwo tou ralo.”—Mudz.] Ndi—ndi khou teya u vha ndi hayani heyi vhege i ḫaho, theberenakeleṇi, Swondaha i ḫaho, u itela tshumelo ya Paseka; vhusiku ha Mugivhela, Swondaha, na vhusiku ha Swondaha. Huno zwenezwo nda humela murahu California. Vhoinwi vhatu noṭhe u mona na California, ndi do takala zwiḥulu u vha na vhoinwi kha muṭangano henengei. Huno ndi elekanya uri Billy o rumela khunguwedzo yo khakheyaho. Ndi... O ri, “Ngei Hodelani ya Biltmore,” ndi a tenda, “u khou teya u vha henefho.” Ndi... [Muñwe muthu u ri, “A thi zwi pfesesi.”] A thi zwi pfesesi. Huno u Eastmont? [“Embassy.”] Embassy, Hodelani ya Embassy. Ngauralo muñwe na muñwe wa vhatu vha Mafhungo-madifha o Fhelelaho vha re henefho vha do ni ḫivhisa, arali no livhā kha yeneyo ndila.

⁹ Huno zwenezwo ri tshi bva henefho, huno ndi do mbo di ya Afurika Tshipembe. Zwi tou vha na ḫwedzi muthīhi u bva kha la ḫamusi, ri alavha ri tshi ya Afurika Tshipembe, ri tshi khou lavhelela tshifhinga tshihulu kha Murena, hu na tshaka dzi swikaho tharu fhasi ngei. Ngauralo ri—ri livhuwa zwavhukuma thabelo dzaṇu. A thi tsha do kona u ni vthona hafhu, arali Murena vha isa phanda na u ri tendela ri tshi ṭuwa, u swika ndi tshi vhuya murahu. Huno ndi fulufhela u vha na ndivhadzo khulu u itela vhoinwi musi ndi tshi vhuya murahu.

¹⁰ Tshifhinga tsho fhelaho fhasi henengei, ndi elekanya uri Murena vho nneya muṭangano muhulusa we nda vhuya nda vha nawo. Huno tshiñwe tshifhinga, u itela mbidzo ya aleṭareni... . Zwino, hezwi zwi nn̄da ha nguvho ya vhadzulapo. U ya nga hune nda ḫivha, ho vha na vha zwigidi zwa furaru vho ṭanganedzaho Kristo nga luthihi. Huno ra elekanya uri khañwe vha amba phodzo ya ḫama, ngauri ho vha hu na vha yelaho kha zwigidi fumbili-thanu vho fhodzwaho nga luthihi. Huno ḫuvha li no tevhela, mulangadorobo wa—wa Durban, ane a vha Sidney Smith, a ri, “Iya kha fasiṭere ḫau, nda lavhelesa u tsa na tshiṭarata.” Huno ho vha hu na ḫiraka lo ḫaisa li tshi tevhelwa nga ḫiraka lo ḫaisa lo ralo, lo qadzwa nga vħunzhi ha makobodo na zwiñwe, lo qadzwa lo ralo; vhe vha vha vha tshi khou tevhela nga murahu, vhadzulapo, vhe vha vha vha nndwani nga tshavho, vha tshi khou bvelela zwiṭaraṭani zwa dorobo, vha tshi khou imbelela *Nga U Tenda Fhedzi* nga ndimi dla luambo lwavho.

¹¹ Ndi a ni vhudza, mbilu yanga yo fhufhumelwa. Sa... Musi ni tshi vthona tshiñwe tshithu tshi ngaho izwo, Mukomana Shores, zwenezwo ni mbo di pfa unga mushumo waṇu a si wa lifhedzi. Ni a vthona, no lingedža. Huno ndi fulufhela urī Mudzimu vha zwi dovhohole hafhu, hu si ngauri—ngauri ri khou tsa fhasi henefho, fhedzi ngauri ri khou lavhelesana na u Vhuya ha Murena.

¹² Vhunga luimbo lwo ralo, ri khou sedzana na iyo thukhu, nngu yo xelaho, heyo yo ralo, ine... Ha-Ha nga di u swika heyo

nngu i tshi dzhena ngomu. Muñwe na muñwe u teya u vha a ngomu dangani. Ha nga vali vothi u swika hoyo wa u fhedza a tshi dzhena ngomu. Ngauralo, vharathu vha vhashumeli, ndi na vhoiñwi, ano matsheloni, a u lingedza u zwima iyo nngu ya u fhedzisa. I nga vha i Phoenix, ano matsheloni. A thi ɖivhi. Fhedzi musi wa u fhedzisa a tshi dzhena ngomu, zwenezwo Mulisa u ðo vala vothi.

¹³ [Murathu u ri, “Mukomana Branham?”—Mudz.] Ee? [“Ndi nga amba zwiñku?”] Ndi zwone ni nga ralo. [“Ndo hangwa tshiñwe tshithu. Ro vha ri khou amba ngatsho...”] A hu na tshithu kha theiphi.] Hezwo ndi zwone kokotolo. [“Huno ndi a ɖivha, muthu muñwe na muñwe u ya hangwa tshithu, tshiñwe tshifhinga.”] A thi ralo. [“Oo!”]

¹⁴ Ndi nñe ane a khou teya u ñwala zwine nda khou ya u amba, kanzhi. Ndi... Sa vhunga nñe ndi tshi khou aluwa, ndi wana zwi tshi kondà u elelwa, ndi vheya Mañwalo anga phasi, na zwiñwe. Zwo vha zwi tshi ralo, ndo vha ndi tshi nga vheya Mañwalo o no swika futhanu kha muhumbulo wanga, huno ndi sa vhuye nda ralo... nda a pfuka, fhedzi ndo no vha na maela nnzhi dici konðaho murahu ha ayo maðuvha.

¹⁵ Ngauralo, ri khou lavhelesana na u Vhuya ha Murena. Murena vha ni fhañtshedze noþhe!

¹⁶ Huno zwenezwo ni takuwa hafha, huno na elekanya... Ni dzula phasi hafha na pfa havha vhathu vha tshi ɻanziela. Na elekanya, “Zwo luga, musi ndi tshi takuwa, ndi khou ya u amba tshiñwe tshithu nga hezwo.” Zwenezwo, hu na zwinzhi zwa u amba, ni ðo fhedza ñuvha loþhe ni tshi khou zwi amba. Fhedzi, ndi a ni takalela noþhe. Ngavhe hetshi tshigwada tshiñku tshi tshi isa phanda na u aluwa. Ngavhe tshivhidzo tshiñwe na tshiñwe ngei Phoenix tshi tshi isa phanda na u aluwa u swika Yesu a tshi vhuya, ndi thabelo yanga ya ngoho.

¹⁷ Zwino, ndi elekanya, u tou ri ri awelenyana, kha ri ime musi ri tshi wana thabelo. Ni ðo ralo?

¹⁸ Mudzimu Ramaanda-oþhe, Khotsi a Murena Yesu Kristo washu, We a Mu vusa vhafuni, na Mu ñetshedza riñe u itela tshidzimu, huno Murena na Mutshidzi. Ri Vha livhuwa zwiñhulu nga tshino tshikhala tshine ra vha natsho ano matsheloni, tsha u ima Vhuhoneni Havho, na vhatu Vhavho vho rengululwaho nahone vha lavhelesanaho na u Vhuya Hawe ha vhugala ha vhuvhili, u ri ɻanganedzela kha Ene muñe. Arali hu na tshivhi vhukati hashu, Murena, kha vha ri ɻanzwe nga isopo Yavho. Huno ri a rabela, Khotsi wa Taðulu, uri Vha fhodze muthu muñwe na muñwe a lwalaho a re vhukati hashu.

¹⁹ Huno arali a hone, zwo sokou iteya-vho, avho vha sa U ɖivhi, kha ino ndovhedzo khulu ya Muya Mukhethwa ine ro i ɻulutshelwa, nahone ri tshi amba uri iteya u ralo, u ya nga Luñwalo kha ɻino ñuvha la u fhedza, ri a rabela, Mudzimu, uri

A wele kha rine rōthe, namusi, huno u ri lovhedze nga huswa kha uyo Muvhili, huno u q̄ise avho vha re nn̄da, ngomu, navhovo, Khotsi.

²⁰ Ri fhaṭutshedze musi ri tshi vhala Ipfi Łau nahone ra khwāthisa u amba hezwo zwi re Ngoho ya Ipfi Łau. Vala milomo yashu kha izwo zwi si ngoho, huno u vule mbilu dzashu na milomo kha izwo zwi re Ngoho, sa musi ri tshi dikumedza kha Iwe. Shumisa milomo yashu u amba, na ndevehé dzashu u pfa, na mbilu dzashu u ḥanganedza. Ngauri ri zwi humbelia nga Dzina la Yesu, We a zwi ta uri zwi ralo. Amen.

²¹ Ndi tama u vhala kha Ipfi Łikhethwa, fhethu huraru kha Bivhili. Huno arali ni tshi do swaya izwi, na ḥoda u isa phanda nao, u a vhala u itela mafhongo manzhi, ndi nga takala nga maanda arali na a swaya fhasi. Fhethu hune nda khou ya u vhala ndi kha Mateo 28:1-10, na Nzumbululo 1:17-18, Vharoma 8:11. Huno ndi a a dovholola hafhu. Huno zwino Mateo 28:1 u swika kha 10, Nzumbululo 1:17 u swika kha 18, na Vharoma 8:11.

²² Zwino ri khou sendela kha Paseka. Huno musi ni tshi khou wana fhethu hañu, na u a swaya fhasi. Ndi elekanya uri heyi vhege i ḥaho ndi ya ndeme nahone vhege khulwane ya ḥivhazwakale kha vhege dzōthe dza ḥwaha. Ndi elekanya uri tshithu tshihulwane tshine ra ḥo pembelela kha ino vhege, ino vhege i ḥaho, ho vha nyito khulu ye ya vhuya ya iteya kha lifhasi. A thi elekanyi uri tshiñwe tshithu tshi nga zwi fhira. Ni ri, “Zwo luga, u—u vhambiwa ho vha huhulu.” Fhedzi vhanna vhanzhi vho fa, vhanna vhanzhi vho vhambiwa, na nga mađuvha a fanaho a Murena washu. Fhedzi ho vha na Muthihi fhedzi wavho We a vuwa vhafuni. Hezwo zwo zwi pfuñela.

²³ Zwino ndi khou ḥoda u vhala. Huno hoyu u tou vha mulaedza muñku wa u rangela Paseka, Murena vha tshi funa, lwa miniti dzi yelaho kha fuñia. Zwino kha ri vhale kha Mafhongo mađifha a Mateo Mukhethwa, ndima ya 28, mathomoni.

Mafheloni a savhatha, musi li tshi thoma u tshela kha duvha la u ranga la vhege, ha bvelela Maria Magdalena na Maria uła muñwe uri vha vhone tshalo.

Huno, vhonani, ha vha na mudzinginyo muhulu: ngauri muruñwa wa Murena o tsa u bva Ṭadulu, huno a da nahone a phigulusa tombo muñangoni, huno a dzula khalo.

Tshivhumbeo tshawe tsho vha tshi tshinga lupenyo, huno nguvho yawe yo tshena sa mahada:

Huno nga nyofho dza uyo vhadzinginyisi vha ralo . . . vhalindi (mpfareleni) vha tetemela, huno vha nga vhanna vho faho.

Huno muruňwa a fhindula nahone a ri kha vhasadzi, Ni so ngo ofha: ngauri ndi a ñivha uri ni ḥoda Yesu, we a vhambiwa.

Ha ho fhano: ngauri o vuwa, vhunga o amba. Idani huno ni vhone fhethu he Murena a vha o ladzwa hone.

Huno iyani nga u ḥavhanya, huno ni vhudze vhafunziwa vhawé uri o vuwa vhafuni: huno, vhonani, u ni ranga phanda ni tshi ya Galileya; henefho ni do mu vhona: vhonani, ndo ni vhudza.

Huno vha ḥuwa nga u ḥavhanya afho tshaloni vha na nyofho na dakalo lihulu; huno vha gidima nahone vha vhudza vhone vhafunziwa.

Huno musi vha tshi kha ḥi ya u vhudza vhafunziwa, vhonani, Yesu a ḥangana navho, a tshi ri, Takalani. Huno vha sendela vha mu fara milenzhe, huno vha mu losha.

Zwenezwo Yesu a amba navho a ri, Ni so ngo ofha: iyani ni vhudze vharathu vhanga uri vha ye Galileya, huno vha do mmbona henefho.

²⁴ Huno Nzumbululo, ndima ya 1, ndimana ya 17 na ya 18.

Huno musi ndi tshi mu vhona, nda wela milenzheni yawe vhunga mufu. Huno a vheya tshanda tshawe tshaula kha nne, a tshi ri kha nne, U so ngo ofha; Ndi nne muthomi na muvuledzi:

Ndi nne a tshilaho, huno ndo vha ndo fa; huno, vhonani, Ndi a tshila u swika lini na lini, Amen; huno ndi na khono dza lufu na hele.

²⁵ Huno kha Bugu ya Vharoma, ndima ya 8, huno ndi tshi thoma kha ndimana ya 11.

Fhedzi arali Muya wa uyo o vusaho Yesu vhafuni wa dzula kha inwi, uyo o vusaho Kristo vhafuni u do hanyisa mivhili yañu i faho nga Muya wawe une wa dzula kha inwi.

²⁶ Zwino ndi a fulufhela uri Murena Yesu u do engedza phaṭhutshedzo Dzawe kha u vhamliwa ha aya Maipfi. U vhona izwo, Paseka, ndo i ombela mbiluni yanga sa muṭangano muhulu, kana nyito khulwane nga maanda ya—ya ñwaha.

²⁷ Ndi khou ḥoda u ni humbela uri ni mpfarele lwa tshikhalyana. Naa izwo a zwi ngi zwi a unga nnđa afho kha inwi, zwi nga zwi a vhomba? Naa zwe luga zwoṭhe? Naa ni a kona u zwi pfa zwavhuđi sa zwenezwo? Oo! A ni koni u zwi pfa. Naa izwo zwi khwiñe, zwe ralo? a tho ngo ḥoda u sendelesa tsini.

²⁸ Zwino, ndi ngani ndi tshi amba izwi, ndi ngauri hezwo, Paseka, O sumbedza zwe Bivhili ya amba. Luñwalo lwoṭhe lwo ñwaliwaho nga Hae uri a ite, O pfuñela Vhumesia Hawe musi

A tshi vuwa vhafuni, pfundo ḥa Paseka. Ri na vhunzhi hazwo namusi zwine ra amba ngazwo, uri, u renga mapfundo a Paseka. Žwo luga, ndi khou ḥoda u amba ano matsheloni: *Pfundu ḥa Paseka*. Ndi pfundo ḥo fhambanaho u fhira ane ra renga nga tshelede yashu, sa pfundo ḥa u ya kha marifhi alo, ndi a elekanya, Khuvhangano ya Lufhiha kana tshini na tshini tshire vha zwi vhidzisa zwone. Ndi—ndi elekanya uri heli pfundo ndi pfundo ḥo fhambanaho zwiṭuku. Huno nga u vha uri Paseka ndi ḫuvha lihulusa ḥa ḫwaha kha Vhakriste vhane vha divhidza u vha vhana vha Mudzimu, ndi khou ḥoda u lingedza u dzhena khazwo nahone nda vhona uri ri teya u ḫedzana hani na tshithu tshihulu tshe Kristo a ri itela.

²⁹ Ipfi ḥa Mudzimu ḥo ambiwa minzhi, miwaha minzhi ya mađana phanda ha u Vhuwa Hawe, nga ha u vhambiwa Hawe, na nga ha lufu Lwawe, na nga ha u tambula Hawe, na nga ha u vuwa Hawe. Ri do vha ri tshi khou lavhelesa kha hedzi tshumelo, khanwe, vhege i daho, musi ri tshi thetshelesa kha dzashu—mbekanyamushumo dzashu dla radio; na zwivhidzoni zwashu, ri na vhafunzi vhashu, na vhanwe, ino vhege i daho.

³⁰ Fhedzi kha maduvha othe na zwithu zweothe zwe Yesu a ita, huno ndi fululedza zwavhukuma u vhonadzwa hothe Hawe ha Ipfi ḥa Mudzimu na zwe A ita uri a Zwi vuledze: zwa u fhodza vhalwadze, u vusa vhafu, u pandela vhodiabolo, u rera Mafhungo madifha kha vhashai, na u vuledza Ipfi liñwe na liñwe le Mudzimu a amba uri U do ita musi A tshi da; huno zwenezwo na u tambula a tshi itela zwivhi zwashu, vhuimoni hashu, u vha tshipfumeleli tsha tshivhi, kha tshifhambano, hune ho vha hu si na muñwe we a vha a tshi nga zwi ita fhedzi Ene. Fhedzi ntha ha izwo zweothe, ndi elekanya uri Paseka yo pfunela zwithu zweothe.

³¹ Ngauri, ho vha na vhaporofita kha lifhasi, vho porofitaho phanda Hawe. Ho vha na vhaporofita kha lifhasi, vho fhodzaho vhalwadze, vha ita na u vusa vhafu, huno vha ita zwiga zwithihi zwe Yesu a ita.

³² Fhedzi Paseka i a zwi sumbedza. Yo pfunela Ipfi ḥa Mudzimu lwa tshothe, u itela vhatendi vha vhukuma. Maswiswi othe na u timatima zwe valwa, nga ala matsheloni a phaṭhutshedzo. Vhathu vho fhumudzwa, sa vhunga zwe ralo, nduni ya khotko, na kha vhathu vha vhurereli phanda ha ilo ḫuvha, ngauri vho... vho vhona mutshimbilo muhulu wa vhurereli, na u tshimbila ha Muya Mukhethwa, na zwiñwe. Fhedzi musi muthu a tshi fa, zwe nga zwe li ladza. Fhedzi musi Hoyu a tshi bvelela, huno a ri, “Ndi na maanda a u vheya vhutshilo Hanga phasi; Ndi na maanda a u Vhu vusa hafhu,” huno zwenezwo a ya a sumbedza zwe A amba, kha nne, heļo—heļo ndi pfundo ḥazwo, musi—musi tshiñwe tshithu tsho ambiwa huno zwenezwo tsha vhuiswa nahone tsha sumbedzwa.

³³ Arali muthu a ralo, sa Columbus, o tenda uri shango ndi tshitendeledzi, huno a lavhelesa zwikwekwete, sa vhunga ro vhudziwa, uri zwo dzenisa hani, huno o vha a tshi kona u vhona seila ndapfu phanda ha musi a tshi vhona tshikwekwete. Huno zwa mu sumbedza`uri shango ndi tshitendeledzi. Vhathu a vho nga zwi tenda hezwo nga liya duvha, fhedzi o vha a muthu wa bono. O vhekanya u itela u sumbedza kokotolo zwe a vha nazwo kha bono la izwo, hezwo zwo vha zwi ngoho.

³⁴ Huno Mudzimu o divhudza u khwaθisedza Ipfi Lawe, Ngoho. Ngauralo O... Ho vha na Muthu muthihi fhedzi we a vha a tshi nga ita izwo, hoyo o vha a Yesu. Huno O da nahone a khwaθisedza izwo sa zwi re Ngoho. Zwo zwi pfuñela. Huno hezwo zwo kwashekanya mapfundo othe a swiswi, huno zwa hasekanya zwoθe—zwoθe zwa lutendo lu hanedzanaho na zwa ntha ha mupo zwa vhuñwe vhurereli, na zwiñwe zwinzhi, he vhanna vhahulu vha takuwa nahone vha amba zwiñhulu, zwithu zwavhuđi; fhedzi vho ralo, muñwe na muñwe wawho, vha tshaloni. Fhedzi vhurereli hashu ha Tshikriste ndi hone hu hoθe hune ha vha na tshalo tshi si na tshitihu. Huno hezwo zwi ntsumbedza uri U tou vha Mudzimu wa vhafu, na Mudzimu wa vha tshilaho, uri A nga vusa vhafu, a vha vhuisa murahu kha vhutshilo. Huno ndo... haya maanda a u hanyisa, Muya wa u hanyisa Wawe, wo sumbedza kha miñwaha yoθe uri Ndi Ene Ane a nga hanyisa vhafu, a vha vhuisa murahu vhutshiloni.

³⁵ Huno musi A tshi sumbedza nga pfulufhedziso Yawe, haya maanda mahulu a u kunda ane A vha nao, nga Paseka O sumbedza uri A nga kunda lufu, hele, na tshalo. "Ndi ene Nñe we a vha o fa, huno ndi a tshila hafhu, nahone ndi a tshila lwa tshoθe; huno ndi na khoño kha—kha lufu, hele, na tshalo." Tshi tou vha tsha hani—tshitatamente kha muñwe na muñwe tshire a nga ñeya. Huno Ho ngo tshi ita fhedzi, fhedzi O no sumbedza uri Ene—Ene u na zwine A amba uri u nazwo.

³⁶ Huno ndi elekanya u ralo, Mudzimu o ḥavhanyisa duvha line musi riñe, sa Vhakriste vho tendaho ino Bivhili, ra kona u sumbedza zwine ra khou amba ngazwo. Ni a vhona? Hezwo ndi zwone zwine zwa ita nga u ralo, sa vhunga zwo ambiwa hu si kale, "Muno wa lifhasi," khaladzi o ralo. Izwo ndi zwone. Shango li khou lavhelesana na muñgo. Huno musi ri tshi kona u sumbedza nga matshilo ashu, na nga Bivhili, uri matshilo ashu a khou khwaθisedza iło Ipfi sa li tshilaho ñamusi, heło ndi lone duvha line ra khou lavhelesana nało.

³⁷ Ipfi... "Hoyu Muya," Vharoma 8 hafho: ya 11 yo ri, "Arali hoyu Muya we wa vusa Yesu Kristo wa vha ngomu hanu, u do hanyisa-vho mivhili yanu i faho." Ho ngo zwi sumbedza Khae fhedzi, kha riñe, uri O vha a Yehova Murenguli nahone u na maanda kha lufu, hele na tshalo, fhedzi O dovha a ri ñeya u swikelela kha wonoyo Muya muthihi, uri riñe vhañe ri vhe na fulufhelo uri na riñe-vho ro hanyisiwa nga uyo Muya. Ngauri

Muya we wa vusa Yesu vhafuni u dzula kha muvhili waṇu, U do hanyisa-vho muvhili waṇu u faho. Zwino, ipfi u *hanyisa* li amba “u itwa a tshilaho murahu ha lufu.” Murahu ha musi wo fa, zwenezwo u do hanyisiwa.

³⁸ Shango lo valeliwa kha u timatima, lwa zwikhathi zwinzhi u swika zwenezwo. Hezwo zwo sumbedziwa, a zwo ngo tou ambiwa ngazwo fhedzi, fhedzi zwo sumbedziwa. Ndi elekanya uri tshiñwe na tshiñwe tsho fanelwaho . . .

³⁹ Vhunga Yesu o ri, “Iyani-ha, funzani tshaka dzothe; nahone ni vha sumbedze, nga u vhonadza maanda a Mudzimu khavho. Hezwi zwiga zwi do tevhela havho vhane vha tenda.” Avho vho fulufhedzisaho nahone vha ri vha ya tenda, U ri neya kupfesesele kwa khwiñe kwazwo, uri, “Hezwi zwiga zwi do tevhela havho vhane vha tenda.” Zwi do vha tsumbo ya vhutanzi havho. Zwino, ri nga ri ri ya tenda. Fhedzi u swika ri tshi vha na tshiga tsho sumbedziwaho uri O amba uri zwi do vha kha riñe, zwenezwo ri kha di tou *bula* uri ri vhatendi, huno hu si *vhuimo* ha vhatendi.

⁴⁰ Ngauralo, elelwani . . . Mađuvha mađuku o fhiraho, ndo vha ndi tshi khou thetshelesa kha—kha mbekanyamushumo ya radio kha KAIR fhasi ngei Tucson. Huno hoyu mushumeli o dzhia sia a tshi lwa na riñe, uri, “Vhurereli ha pentekostała ho vha hu si tshithu fhedzi hu mafaneda. Ho vha hu na . . . Hu si u thetshelesa khayo. Yo vha i so ngo dzudzanye.” Huno a ri, “Muthu ufhio na ufhio ane a amba nga dzindimi, na hezwi zwithu, huno a divhidza u ralo, u fhodza vhalwadze, na zwinwe zwinzhi, nga thabelo, uri zwo vha zwi tshi khou teya u tutshela kule nazwo. Huno ngauralo u rabelela havho vhatu vha tungufhadzaho vho litshedzelwaho, ngauri vho vha vha kahone u khakha, uri hu na tshiñwe tshithu tsho khakheyaho khavho.” Oo, ndo vha ndi tshi do takalela hani u amba na uyo murathu lwa tshikhalyana! Huno a ralo uri yone . . . “Uri, hezwo zwo neiwa vhaapostola fhedzi kha Duvha la Pentekoste, huno zwo vha zwi zwenezwo fhedzi.”

⁴¹ Ndi wana hezwo, ho no fhela miñwaha ya furaru, Paulo o vha a tshi khou vheya hedzi mpho kha Tshivhidzo. Kha Vhakorinta ya u Thoma 15, uri, “O vheya kha Tshivhidzo mpho ya u amba nga dzindimi, mađembe. Huno hedzi dziñwe mpho dzothe dzo vheiwa ngomu kha Tshivhidzo.”

⁴² Yesu o ralo. “Iyani-ha shangoni lothe nahone ni rere Mafhungo mađifha kha zwivhumbwa zwothe.” U swika gai? “Shango lothe.” Kha nnyi? “Zwivhumbwa zwothe.” A vha athu u Zwi ṭanganedza zwino. “Huno hezwi zwiga zwi do tevhela havho vhane vha tenda.” Lwa tshikhala tshingafhani? “Shango lothe.” Kha nnyi? “Tshivhumbwa tshiñwe na tshiñwe. Hezwi zwiga zwi do tevhela vhenevho, kha shango lothe, huno kha zwivhumbwa zwothe. Hezwi zwiga zwi do tevhela vhenevho: nga Dzina Langalwa do pandela vhodiabolo; vha do amba nga ndimi ntswa; arali

vha takula tshithu tshi vhulayaho, kana nowa, kana vha ñwa tshithu tshi vhulayaho, a tshi nga vha vhaisi; vha ño vheya zwanda zwavho kha vhalwadze, huno vha do fhola.” Heyo yo vha ndaelo Yawe ya u fhedza kha Tshivhidzo, Marko ndima ya 16.

⁴³ Paulo u khou vheya hedzi mpho kha Tshivhidzo, ho no fhela miñwaha ya furaru. Huno a ralo, kha Vhagalata 1:8, “Arali Mururiwa a bvaho Tađulu a ni rerele mařwe Mafhungo mađifha nga nnda ha Haya o no ḥanganedzwaho,” ni a vhona, o no reriwa kale, “mu litsheni o seňwa.” Ndi a tenda uri pentekoste yo thoma i si na magumo. Ndi a tenda zwi khou teya u vha kha zwivhumbwa zweþhe, tshifhinga tshoþhe, fhethu hoþhe, uri pentekoste i dzule i hone. Phaþutshedzo dza pentekostaþa dici teya u vha kha vhatu.

⁴⁴ Huno zwino, phaþutshedzo ya pentekostaþa ndi mini? Ndi u kwathisedzwa ha mvuwo. Ngazwo Mafhungo mađifha One-anë zwi tshi amba “mafhungo a vhudi.” Mafhungo a vhudi a mini? O vuwa vhafuni. “Huno ngauri Ndi a tshila, ni a tshila-vho.” Vhoinwi vhe na vha no fa tshivhini na kha u pfuka, Mudzimu o ri hanyisa roþhe, nga houla Muya wo vusaho Yesu vhafuni. Huno zwino ro dzula Mađadulu Nae, ri tshi la Nae, ri tshi amba Nae. Ndi dakalo-de ngoho u vhudza vhatu tshiþori, vhanne vha tshi tenda sa tshire tsha vha Ngoho!

⁴⁵ Ndi khou vhilahela, ñamusi. Ndi zwine zwa khou iteya. Naa ri khou vhuya ra isa vhatu kha Mudzimu, kana ri khou sokou vha isa tshivhidzoni? Ri teya u vha isa kha Kristo, hune ha vha na haya maanda a u hanyisa. Ndi zwa vhudi u ya tshivhidzoni. Zwo ralo. Arali hu zwenezwo fhedzi zwine ra swikelela, a zwo ngo edana. Musi ni tshi da tshivhidzoni, hezwo ndi zwa vhudi; fhedzi iyani kha Kristo, u bva tshivhidzoni, ngauri ri teya u ḥanganedza haya maanda a u hanyisa, arali ri tshi lavhelela u vha ri kha heyo mvuwo sa vhoþhe, ngauri ndi tshone tshithu tshi tshoþhe tshine tsha ño ri bvisa vhafuni. “Ngauri arali hoyu Muya we wa vusa Yesu vhafuni wa dzula kha inwi, U ño hanyisa-vho, u ita, u disa vhutshiloni mivhili yaþu i faho.” Pfufufhedziso ya hani kha riþe!

⁴⁶ Zwino vhonani. Vhundeme vhuthihi ha heyi mvuwo ndi u vhudza na u þana, na u sumbedza uri Yesu o vuwa vhafuni. Ho ngo fa. U ya tshila. U khou tshila fhano. U kha riþe. “Ndi ño vha na inwi, nahone kha inwi. Hu si kale shango a li tsha ño Mmbona. Fhedzi, ni ño Mmbona, ngauri Ndi ño vha na inwi, nahone kha inwi, u swika magumoni a shango.”

⁴⁷ Zwino, sa Vhakriste, roþhe ri ri U ya tshila, kana ro hanyiswa u bva—u hanyiswa u bva vhutshiloni... u bva lufuni u ya kha Vhutshilo, nga Muya Wawe. Huno arali ri so ngo hanyiswa, zwenezwo a ro ngo itwa vhatshilaho.

⁴⁸ Zwino ri khou ya u kwashékanya heyi therò, Murena vha tshi funa, huno ra nga ri a i funza lwa miniti miþku, mini-ha

nga izwo: naa ro hanyiswa, huno ri nga vha na vhutshilo hanyiwa ndi Ngoho?

⁴⁹ Zwino, hovhu ndi vhutshilo hanu inwi munę, hovhu ndi vhutshilo hanga. Ndi hune yone... Arali hezwi zwi si Ngoho, zwine nda khou ṭoda u amba, zwenezwo ndi muńwe wa vhathe vha matsilu zwavhukuma shangoni. Ndo ɻetshedza vhutshilo hanga u itela tshińwe tshithu tshi sa ri mini, huno ngauralo na inwi-vho. Fhedzi arali zwi Ngoho, zwenezwo ndi koloda zwothe zwine nda vha zwone. Ndi koloda zwothe zwine ndi nga vha zwone, u itela hezwo, zwine ra khou imela zwone. Huno ndi elekanya uri a ri teyi u xelelwa nga mafulufulu ashu.

⁵⁰ Huno musi ri tshi khou vhona Paseka i tshi khou swika, i tou ita tshińwe tshithu fhasi kha nne, vhunga ndi—ndi tshi ɻivha uri ilo ndi ɻuvha line zwithu zwo pfunelwa lwa tshothe, maćoni a Mudzimu.

⁵¹ Zwino, ri a vhona, ndi Muya muthihi we wa Mu vusa tshaloni, une wa khou dzula kha riňe. Zwino, izwo zwi nga konadzea hani? Muya wo vusaho, Mudzimu, Yesu vhafuni, wa dzula kha riňe.

⁵² Zwino, zwino, ndi myua une wa hanyisa. A si Ipfi line la hanyisa. Ndi Muya une wa hanyisa Ipfi, kana wa neya Ipfi Vhutshilo, wa Li neya phapha dza u fhufha, wa li neya u kona u swikelela. Ndi Muya une wa ita hezwo.

⁵³ Zwino, gorou, i yothe, i sokou vha gorou; fhedzi musi vhutshilo ha u hanyisa vhu tshi dzhena khayo, kha gorou, zwenezwo zwi neya vhutshilo. Huno riňe vhe ra vha ro fa, ro itwa sa tshifanyiso tsha Mudzimu, huno fhedzi ro fa kha tshivhi na u pfuka, hu na ińwe ndila ine Mudzimu a teya u swikisa hovhu Vhutshilo ha u hanyisa kha mivhili yańu i faho. Ndi khou amba nga muvhili wanu.

⁵⁴ Zwino, Yesu o vha a Ipfi. Ni a tenda hezwo, kani a ni ralo? [Tshihidzo tshi ri, "Amen."—Mudz.] "U rangani..." Yohane Mukhethwa 1, "U rangani Ipfi o vha a hone, Ipfi o vha e na Mudzimu, nahone Ipfi o vha a ene Mudzimu. Huno Ipfi a itwa nńama nahone a dzula vhukati hashu."

⁵⁵ Zwino, sa Mesia o fulufhedziswaho, O hanyisa Ipfi linwe na linwe le la vha lo porofitiwa uri U do ralo; o fhodza vhalwadze, na uri U do bebiswa hani nga musidzana tshipofu, zwothe hezwo, o zwi ita. Ndi ngoho. O vha a Ipfi, lo vhonadzwa fhano kha lifhasi, fhedzi O vha a nga si kone u ita hezwi sa Muthu fhedzi. Zwo dzhiya Muya wa Mudzimu, u dzulaho Khae, u hanyisa hedzi pfufuhedziso Khae. Ndi fulufhela uri ri pfesesa hezwi zwa vhudi. Yesu, nga u vha Muthu, Ene munę, muvhili, fhedzi zwo dzhiya Muya ngomu Hawe, Muya. "A si Nne ane a ita mishumo. Ndi Khotsi Anga vhane vha dzula ngomu Hanga. Ndi Vhone vhane vha ita mishumo." Ni a vhona? Yesu Ene munę o vha a Ipfi, ngauri O vha a... phanda ha Mudzimu...

⁵⁶ Heli ndi ipfi li so ngo kunaho kha u shumisa, huno ndi fulufhela uri ni zwi dzhiya nga ndila yone, phanda ha gogo. Fhedzi O vha o tiwa nga u divhela phanda ha Mudzimu, uri ndivho ya Mudzimu yo vha i khou ya u iteya hani, uri U do rumela Murengululi, huno hoyu Murengululi ho vha hu Murwa Wawe Ene muñe fhedzi. Ngauralo, zwenezwo, heyo yo vha i pfulufhedziso ya Mudzimu, u bva tsimuni ya Edeni, uri Yesu u do da fhano. Khoyu O vha a Muthu, o bebwa nga musidzana tshipofu, fhedzi two dzhiya Muya wa Mudzimu u hanyisa heło Ipfi Khae. Huno O vha a Ipfi, lo hanyiswaho, Ipfi lo hanyiswaho u itela awara. Tshifhinga tsho swika tshine na teya u vha na Murengululi. Mulayo wo kundelwa. Zwiñwe zwithu two kundelwa. Zwino, zwi dzhiya Murengululi, huno O vha a Murengululi o fulufhedziswaho. O hanyiswa nga Ipfi la Mudzimu.

⁵⁷ Huno zwino arali Muya muthihi we wa vha u Khae uri a vhe Murengululi kha tshila tshikhathi, ngauri ro tanganedza zwino pfulufhedziso ya izwo kha ano maduvha a u fhedza, zwine zwa do iteya; arali na vha tshipida tsha heło Ipfi, no rengululwa Nae, ngauri Muya muthihi we wa dzula kha Kristo u khou dzula kha inwi, u tshi hanyisa vhutshilo hanu kha tshino tshikhathi. Huno Li do ralo-vho, nga tshifhinga tsha vhufhelo, u hanyisa mivhili yanu i faho, u i vusa, u i vusa hafhu. Hezwo zwi pandela swiswi musi ri tshi lavhelesa khalo. Huno hezwo—huno hezwo ndi Ngoho. Ni a vhona?

⁵⁸ Vharoma hafha, Paulo o zwi sumbedza kha riñe. Ni a vhona? “Arali Muya wo vusaho Yesu vhafuni wa dzula kha inwi, U do hanyisa-vho mivhili yanu i faho.” Hoyu ndi Muya muthihi we wa Mu vusa, une wa hanyisa mutendi wa vhukuma uri a ye kha Vhutshilo Vhu Sa Pheli. Muya wo vusaho Yesu vhafuni u dzula kha mutendi, u hanyisa mutendi wa mu isa kha Vhutshilo Vhu Sa Pheli.

⁵⁹ Hu na Vhutshilo vhuthihi fhedzi, Muya wa Uya Nga Hu Sa Pheli muthihi, Vhutshilo Vhu Sa Pheli vhuthihi, huno hezwo ndi Mudzimu. Mudzimu, a eñhe, ndi wa U Ya Nga Hu Sa Pheli. Huno zwenezwo riñe, nga u vha vhana Vhawe, ri tshipida Tshawe, hezwo ndi uri, zwibveledzwa zwa ngelekanyo Yawe. Huno ngelekanyo i bviselwa khagala nahone ya vha ipfi. Zwenezwo, muthu muñwe na muñwe ngomu hafha, ane a vha na Vhutshilo Vhu Sa Pheli, o vha a hone phanda ha mutheo wa shango, kha ngelekanyo ya Mudzimu. Ndi yone ndila i yoñhe ine zwi nga ralo, ngauri ni zwi bveledzwa. Hezwo ndi u bviselwa khagala ha ngelekanyo, yo no vha Ipfi; huno Ipfi lo dzhiya Vhutshilo, nahone ndi la U Ya Nga Hu Sa Pheli. Ndi ngazwo ri na Vhutshilo Vhu Sa Pheli. Nga ndila nthihi ye Murwa muhulu wa Mudzimu a ralo, Murengululi; ri vha vharwa na vhananyana vha Mudzimu, nga kha Muya muthihi, nga u divhela phanda hu fanaho ha Mudzimu.

⁶⁰ Lavhelesani kha vha dzimilioni kha lifhasi vha so ngo Zwi ṭanganedzaho musi Yesu a fhano. Fhedzi ri teya u livhuwa hani ano matsheloni, u ḋivha uri ri na vhutanzi ha vhukuma nahone Bivhili i ya zwi sumbedza, uri ro katelwa kha matsheloni a mvuwo khulu a ḋaho, heyo ndi Paseka khulu. Ri na vhutanzi hazwo, zwino kha mivhili yashu i faho. Vho tiwaho ndi vhone vha no do thoma, zwo tou ralo, u hanyisiwa, musi Muya Mukhethwau tshi da u dzhiya zwi re Zwawo.

⁶¹ Zwino, huno fhungo ḋihulu, line nda khou ṭoda vharathu vhanga vha vhashumeli vha tshi lingedza u pfectesha hezwi. Ni a vhona? U rangani, Mudzimu, Muya muhulu, O vha a sa athu u vha “Mudzimu” zwenezwo. O vha a Ene wa U Ya Nga Hu Sa Fheli. *Mudzimu* ndi “tshiloshiwa.” O vha a si na tshithu tsha u Mu losha. Ho vha hu si na—ho vha hu si na Vharunwa, hu si na tshithu. Ho vha hu tshi tou vha Mudzimu fhedzi, Ene a eṭhe, ndi wa Lini na lini. Fhedzi, uri a vhe Mudzimu, hu teya u vha na tshinwe tshithu tsha u Mu losha, ngauralo A sika Vharunwa, na Zwivhumbwa, na Vhakerube, na zwinwe, uri zwi Mu loshe. Ndivho Yawe khulwane i khou bveledziswa.

⁶² Fhedzi elelwani, vhoiñwi, kha—kha tshivhumbeo tshine na vha khatsho, ano matsheloni, arali no vha ni siho kha ngelekanyo Dzawe zwila, a ni ho na zwino. Ngauri inwi, hu na tshinwe tshipida tshi re kha inwi, tsha Lini na lini, huno zwa U Ya Nga Hu Sa Fheli ndi zwa Mudzimu. Huno kha Mudzimu ho vha hu na ngelekanyo Dzawe dza inwi no dzula heneffo hune na vha hone zwino. Kha ngelekanyo Dzawe, ndo ima kha phuluphithi ano matsheloni, ngauri Ha na magumo nahone u ḋivha zwithu zweṭhe. Ngauralo a nga amba magumo a tshe mathomoni, ngauri Ndi wa U Ya Nga Hu Sa Fheli. Huno inwi, nga u vha murwa wa Mudzimu kana ḫwananyana wa Mudzimu, zwenezwo no vha ni kha ngelekanyo Dzawe u rangani.

⁶³ Huno zwenezwo musi Muya Mukhethwa u tshi da, huno ni kha lifhasi, ni tshi khou mona-mona hafha sa muitazwivhi, fhasi vhutshiloni hanu hu na tshinwe tshithu. A ni ḋivhi zwine zwa khou iteya, fħedzi ni na nqala. Ndo pfa murathu wa Muphuresibatherieni; ndo pfa ene—ene Mubaphuthisi a tshi khou amba, murahu hafho, o vha a—a Mubaphuthisi wa u Dinangela, a tshi rera hune a kona. Murathu wanga wavhudji, uri inwi, hu na tshinwe tshithu ngomu hañu, tshinwe tshithu ni so ngo tshi vheyaho ngomu heneffo. Ndi tshinwe tshithu tshine ni nga si tame tshi tshi vha ngomu heneffo. Ndi tshithu tshi hanedzanaho na mvelo yañu inwi muñe. Ndi u ḋivhela phanḍa ha Mudzimu, hu tshi khou iteya, Ipfila Mudzimu.

⁶⁴ Vhunga Yesu o bebwa sa Murwa wa Mudzimu, uri a vhe Imanuele, mbonalo ya Mudzimu yo fhelelaho kha Muthu. Huno O Mu wana a kha u thonifha ho khunyelelaho, fhasi Mulamboni wa Yorodane, a tshi khou lovhedzwa nga muporofita. Huno musi A tshi tou Mu ḫthonifha, huno a bva madini, Maṭadulu a

vuletshela Yohane. Huno a vhona Muya Mukhethwa u tshi tsa u tshi bva Tađulu, u tshi ri, "Hoyu ndi Murwa Wanga ane nda mu funesa." Ni a vhona? U țhonifha ho khunyelelaho, Muya wo Mu țoda, kha țhonifho.

⁶⁵ Oo, munna a kondaho kana musadzi, ano matsheloni, musi no dzula heneffa, huno hu na tshiňwe tshithu kha inwi tshire tsha khou ni vhudza uri Hezwi ndi zwone, ndi Muya Mukhethwa u khou ni zwima, uri u ni ćise kha ndivho ya Ngoho ya ino awara ine ra khou tshila khayo, hu si iñwe awara yo fhiraho, awara zwino.

⁶⁶ Ho vha hu na vha zwigidi ngei vhe vha țhonifha awara yo fhiraho. Fhedzi ho vha hu na awara ya tshifhinga tshenetsho, heyo yo vha i awara ye Yesu a tea u bvelela, huno heneffo ho ima Ipfi. Heneffo ho ima vhathe. Huno afha ho vha hu u vhonadzwa ha Mudzimu hu tshi khou iteya, u khwařhiseda uri hezwo zwe vha zwi Ngoho.

⁶⁷ Vhunga vhathe vha pentekostala, ńamusi, ntendeleni ndi ambe hezwi, uri ro ima kha ano maduvha a u fhedza he Mudzimu vha fulufhedzisa uri Vha do shela Muya Wavho kha ńama yothe, huno vharwa Vhawe na vhananyana vha do porofita. Ngauri O ri, "Hezwi zwigia zwi do tevhela havho vhane vha tenda." Ndi awara. Hezwo ndi zwone zwine zwa ita tsiko ngomu haňu.

⁶⁸ Vhunga ndo amba, a si kale, zwi pfala sa tshipengonyana; fhedzi ndi fulufhela uri a zwi ralo, kha inwi, ano matsheloni. Mulimi we a vheya goni, kana u vheya khuhu, huno a na kumba la goni. Vhunzhi ha vhoiñwi ni a elelwa tshiřori tsha goni la kale li tshi beba kha—kha izwi... Kana, khuhu i tshi beba hafha kha khukwana, kana—kana—kana kumba la goni fhasi ha phapha dza khuhu. Ni a vhona? Ndi tshiimo.

⁶⁹ Tshivhidzo tsha Phuresibatherieni, tshivhidzo tsha Methodisi, tshivhidzo tsha Baphuthisi, tshiňwe na tshiňwe tshazwo tshi nga bveledza magoni. Zwe tou ralo. Ndi tshiimo tshire tsho zwi ita. Vhunga Dokotela Bosworth o dzulela u ri, "Ni nga dzhiya kumba la khuhu na li vheya ... fhasi ha tshibwanana, huno na tshi vhofha, tshibwanana tshi do kudzela khukhwana." Nga mini? Ndi tshiimo. Huno musi tshivhidzo tshifhio na tshifhio kana tshiňwe tshigwada tshire tsha do dikuvhanganya, huno tsha rabela u swika tshi tshi posa kule mishumo yatsho na zwiňwe, huno tsha lavhelesa tswititi kha tshifhařtuwo tsha Mudzimu, tshi do bveledza magoni sa vhunga ndo ima heneffa.

⁷⁰ Hezwo ndi zwine nda elekanya uri hetshi tshigwada tsha vhanna vha vhubindudzi tsho ita, u lingedza u kwashékanya tshiimo. Ri khou thoma u vha vha zwigwada nga maanda. Muňwe u wela kha *hetshi* na *tshiřla*. Kha ri kwashé tshiimo huno ri wane tshiimo kha u losha ha Tađulu. Lugisani tshiimo, magoni

a do bebiwa, huno—huno kha tshivhidzo tshiñwe na tshiñwe, hothe—hothe.

⁷¹ Huno hokwu kugoni kwa tshimbila na khuhu lwa tshifhinga tshilapfu, fhedzi ku—lilele kwo vha ku so ngo doweleya. A kwongo pfectesa zwe khuhu ya vha i tshi amba musi i tshi pala kha—kha—kha tshika dza manyoro ngei—ngei dzharatani. Huno hezwo zwe vha zwi si zwiliwa, khakwo. Huno i la mbungu, na zwiñwe-who, zwine goni a li li. Ngauralo zwa vhonala zwi so ngo doweleya, zwe the, khakwo. Huno kwo vha ku kusekwa kwo vhifhaho; kwo vha kwo ralo, a thi khou amba hezwi lwa u toda u vhaisa, khañwe kwo vha ku Mubaphuthisi wa u Dinangela, huno, fhedzi tshiñwe tshithu kha yeneyo dzulele, kana Muphuresibatherieni.

⁷² Fhedzi, ni a divha, linwe duvha mme akwo vha zwi divha uri vho kudzela kumba. Hu teya u vha na nwana huiwe fhethu. Ngauralo la posa phapha dzalo khulu tuyani, huno la zwima na u zwima, li tshi huwelela nga ipfi lao lishulusa. Huno linwe duvha, la fhira nga nthia ha tshitumba. Huno musi hokwu kugoni ku tshi pfa hohu u huwelela hu pfeseseyaho, kwo vha ku sa athu u pfa, fhedzi kwa zwi limuwa uri u ya tendelana nakwo sa gilafu tshandani. Huno kwa zwi divha uri havho vho vha mme akwo. La zwi divha uri hoyo o vha a murwa wal. Lo vha li tshi khou toðana nae.

⁷³ Ngauralo na Mudzimu-who, kha tshikhathi tshiñwe na tshiñwe, o vheya Tshivhidzo Tshawe u itela tshenetsho tshikhathi, Mulaedza wa tshenetsho tshikhathi. Huno vha nga vha na milayo na tshini na tshini tshire vha toða. Fhedzi musi heyo awara i tshi swika, Muya Mukheyhwa wa Mudzimu, we wa vha u hone u rangani wo elekanywa nahone wa ambiwa u itela tshenetsho tshikhathi, hoyo Muya u zwima helo kumba. Huno musi a tshi pfa Mulaedza, a hu na tshivhidzo tsha dinomineisheni tshire tsha khou ya u zwi thivhela. Tshi do takuwa tsha ya nthia. Tshi teya u ralo. Ndi tshiñoni tsho fhambanaho. Ndi tshivhumbwa tsho fhambanaho. U tou vha goni, nahone u do pfa u huwelela. “Nngu Dzanga dzi pfa Ipfi Langa.”

Vhunga muñwe muthu o ri, Mukomana Branham, “Zwiliwa zwa Nngu.”

⁷⁴ “Nngu Dzanga dzi pfa Ipfi Langa. Mutsinda a dzi nga mu tevheli.” Hu si na ndavha uri tshivhidzo tsho fulufhedzeya hani, na uri tshi na dzina latsho lo hulaho hani. “Musi nngu Dzanga dzi tshi pfa Ipfi Langa,” line la vha Ipfi, “mutsinda a dzi nga mu tevheli.” Dzi do ya tswititi kha lenelo Ipfi, nahone dzi nga zwi ita. Zwi nga wone—wone—wone maginethe.

⁷⁵ Linwe duvha, nthia ngei Indiana, ndo vha ndi tshi khou dalela zwigayo zwa ya tsimbi, huno tshitiriri tsha lidziwa. Huno muthu muñwe na muñwe a bvula fasikoñi yawe, huno a thoma u swiela yone... heneffo kha mutshini wa u tumula zwithu, u ya vhukati

ha fuloro, u tsheta he vha ita lenelo duvha. Huno ndo vha ndi tshi khou tshimbila na muthu we a vha a tshi khou ntsumbedza, huno a ri, "Lavhelesa hezwi." Huno ngauralo muthu muñwe na muñwe a vheya yawe—thulwi ya tshiambaro tshawe ntha khantha ha ɬafula, a ɬuwa.

⁷⁶ Murahu-rahu, a kwama bunugu ɬukhu. Huno ha mbo bvelela maginethe muhulu heneffho, huno wa hwala tshipida tshinwe na tshinwe tsha tsimbi ye ya vha yo tumulwa kha izwo zwipida, zwino, huno wa ɬuwa. U ya zwi kokodza wa zwi ɬambatedza; zwa wiselwa kha bodo. Huno zwa ɬokiswa, u itela zwiñwe zwipida zwa—zwa thundu, tshithu tshithihi, tshafu kana tshini na tshini tshe vha vha tshi khou fhaña.

⁷⁷ Huno nda ima heneffho nahone nda lavhelesa kha izwo, u swika ndi—ndi tshi dixedza nne muñe. Huno nda ri, "Ndi khou mangala tshinwe tshithu."

A ri, "Ndi tshithu-de, muñe wanga?"

Huno nda ri, "Ndo vhona uri zwiñwe zwa izwo a zwo ngo takuwa."

⁷⁸ A ri, "Ndi aluminiamu, huno maginethe a u fashani na aluminiamu."

⁷⁹ Nda ri, "Ndi a vhona." Huno a ri... Zwenezwo nda ri, "Zwo luga, wo zwi vhona, afho ndi tshipida tsha tsimbi tshi re fhasi."

"Fhedzi, u ya vhona, muñe wanga, tsho takuwa afho fhasi."

⁸⁰ Nda ri, "Ndi a vhona." Huno musi a tshi tshi dzhiya, nda ri, "Zwino hu iteya mini, itsho tshi nnnda afho?"

⁸¹ A ri, "U humela murahu kha tshigayo, wa shela nga kha bodo, huno wa vhу murahu nahone wa ita linwe vhili."

Nda ri, "Thendo kha Murena!" Ndi zwenezwo. Ni a vhona?

⁸² Hu na maginethe muhulu wo dzulaho kha lutombo, une Mudzimu linwe duvha u do kwamisa miñwe Yawe nawo. A hu na muthu ane a ñivha tshifhinga tshire A khou Vhuya ngatsho, na Vharuriwa vha Taðulu zwavho, a vha zwi ñivhi. Mudzimu vha vhoñthe vha a zwi ñivha. Fhedzi ho vha na huñwe u penyisa ho bvaho kha Bivhili, Vhakriste vha Bivhili, vhatendi vha ino awara. Muñwe wavho a nga vha o vha a kha asi murahu kha linwe duvha. *Hetshi* tshi nga vha tshi tshinwe tshipida. Zwi khou ya u ita muvhuso muhulu wa Mudzimu. Fhedzi zwi do vhumbiwa kha bodo ya khulu ya Mudzimu, huno zwa shelwa hafhu kha tshifanyiso tsha Mudzimu. Huno havho fhedzi vhane vha fashiwa khawo vha do takulelwa ntha. Oo, zwi iteya hani... Ndi tshikhala tsha hani, u ñivha uri hu na tshinwe tshithu kha mvuwo yo livhanyiswaho na rinę!

⁸³ Zwino, vhonani, limuwani mbidzo ya Ipfi la Mudzimu, line a vha tshipida nalo. Huno ndi goni na goni. Zwino, arali havho mme vho huwelela sa—sa lianga lihulu, ndi musi ku so ngo

zwi ḋivha. Ko vha ku tshi ḍo ḍi vha ko dzudzanye nga u vha tshitumbani. Fhedzi ho vha hu u huwelela ha goni. Ho vha hu na tshiñwe tshithu ngomu ha hokwo, lune kwa ḋivha uri ho vha hu goni.

⁸⁴ Huno zwithu zwithihi kha mutendi wa vhukuma. Musi u reriwa ha Ipfi la Mudzimu hu tshi iteya, huno ha khwaṭhisizedza na u sumbedzwa uri ndi Ipfi la Mudzimu la ino awara, zwenezwo hu na Tshiñwe tshithu ngomu ha mutendi. A thi na ndavha uri khotsi awe vho vha tshi fulufhedzeya hani tshivhidzoni, kana mme awe vho vha tshi fulufhedzeya hani, kana vhomakhulu vhawe, huno arali hetsho tshivhidzo tshi tshi khou funza zwe fhambanaho na ino awara zwa Mulaedza wa ndovhedzo ya Muya Mukhethwa. Hu na tshiñwe tshithu ngomu hawе tshire tsha huwelela. U ḍo ṭutshela tshitumba. U ḍo teya u zwi ita. Khuhu dzi nga vha dzo vha dzo luga ḥinwe ḫuvha, fhedzi ino ndi awara ya goni. Ni a vhona? Zwo—zwo fhambana. Hu na tshiñwe tshithu, tshire, li teya u ṭutshela tshitumba tsha kale nahone la fhufhela kule la ya tshikhalanı. Zwenezwo hoyu muvhili wa ḥifhasi u a hanyiswa wa ḫiswa, nga Muya wa u hanyisa, kha u ḫonifho dza Ipfi la Mudzimu.

⁸⁵ Zwino, musi hoyu Muya Mukhethwa, wo fanyiswaho sa goni li tshi fhufha n̄ha ha shango, huno wa wana vhatendi. “A hu na Muthu ane a nga da ha Nne, a hu na muthu ane a nga da ha Nne musi a tshi ḫoda u da. Vhoṭhe vhe Khotsi vha N̄neya vhone vha ḫo da ha Nne, fhedzi a hu na muthu ane a nga da nga ene muṇe.” A si kuhumbulele kwaṇu, u kokodza haṇu. Ndi ha Mudzimu, u kokodza. Ni a vhona? “Vhoṭhe vhe Khotsi vha N̄neya vhone vha ḫo da ha Nne.”

⁸⁶ Zwino, Muya Mukhethwa u fhano kha lifhasi, u khou sedzana na havho vhathe vhe Mudzimu a vha vhetshela Vhutshilo kha tshino tshikhathi. Huno musi U tshi tou vha wana, U ita sa zwe Wa ita kha Yesu Kristo, Murwa muhulu wa Mudzimu We a ri rengulula roṭhe. U tsa fhasi nahone wa dzhiya vhuimo Hawo ha u dzula vhatshilo ha muthu, zwino, vhonani, wa ḫisa haya maanda a u hanyisa. Zwino, haala maanda a u hanyisa o ḫaho kha Yesu o Mu hanyisa uri a vhonadze pfulufhedziso iñwe na iñwe ya Ipfi la liya ḫuvha. Ngauralo na Muya Mukhethwa u ralo une wa da kha riñe kha lino ḫuvha, arali hu si muya mukhethwa wa muhoyo, arali hu si diabolo a tshi hoyo Muya Mukhethwa, fhedzi u wa vhukuma, Muya Mukhethwa wa ngoho. U ḫo vhonadza pfulufhedziso ya ino awara.

⁸⁷ Musi U tshi wela kha Luther, Wo vhonadza pfulufhedziso ya iyo awara. Musi U tshi wela kha Wesley, Wo vhonadza pfulufhedziso ya iyo awara. Musi U tshi wa kha lino ḫuvha, U vhonadza pfulufhedziso ya ino awara. Musi U tshi wela kha Mushe, Wo vhonadza pfulufhedziso ya iyo awara. U tshi wela kha Noaxe, Wo vhonadza pfulufhedziso ya iyo awara. Musi U

tshi wela kha Yesu, Wo vhonadza pfulufhedziso ya iyo awara. Ni a vhona?

⁸⁸ Ndi Muya Mukhethwa u tshi khou tsela fhasi, u hanyissa, u tshidza havho vhathu vho tiwaho nga Mudzimu uri vha vhe hone kha u Takulelwa Tadulu. Vhonani. Zwo ralo, arali a goni la vhukuma, u do pfectesa Mulaedzo wa awara arali a goni la vhukuma. Zwino, kugoni zwavhuđi-vhudži, tshitumbani, kwo vha ku tshi khou la hu si na thaidzo, fhedzi ko—ko zwi dívha uri hezwo zwo vha zwi so ngo tou luga zwavhuđi-vhudži. Fhedzi zwenezwo musi ku tshi pfa Ngoho, zwenezwo kwa ḥanganedza Ngoho. Zwino, kha Yohane 14...

⁸⁹ Yohane 5:24, zwavhuđi-vhudži, Yesu o ralo, a tshi amba nga heyi ndila, “Uyo ane a pfa Maipfi Anga, huno a tenda kha Uyo o Nthumaho, u na Vhutshilo tshothe, nahone ha nga di khaṭhuloni, fhedzi o fhira u bva lufuni u ya Vhutshiloni.” Itanu elekanya uri zwo leluwa hani izwo, “Uyo ane a tenda.” Zwino, ndila yone ya u zwi amba ndi uri, “Uyo ane a pfectesa.”

⁹⁰ Zwino, ni ye nnđa hafha tshiṭaraṭani nahone ni ri kha heyi phombwe, “Ni a tenda?”

“Zwo ralo.”

“Ni a tenda uri U tou vha Murwa wa Mudzimu?”

“Ngoho-ngoho.”

“No lovhedzwa?”

“Zwo ralo.”

⁹¹ Iyani kha tshidakwa, ni ri, “No zwi pfa Izwo? No mu pfa uyo mureri a tshi rera?”

“Ee.”

“Ni a tenda Izwo?”

“Zwo ralo.” Ni a vhona?

⁹² Fhedzi, “Uyo ane a pfectesa, uyo ane a dívha vhuimo hawe kha ino awara, uyo ane a pfa Ipfi Langa nahone a tenda kha Uyo o Nthumaho, u na ho”(tshifhinga tsha zwino) “Vhutshilo Vhu Sa Pheli. Ha nga di Khaṭhuloni, fhedzi o no pfuka kale u bva lufuni u ya Vhutshiloni.” Zwenezwo musi hovhu Vhutshilo Vhu Sa Pheli vhuswa hu tshi dzula kha inwi, Ndi vhutanzi, kana fulufhelo la uri no hanyiswa u bva kha u vha a faho u ya kha u sa tsha fa.

⁹³ I rani ndi ambe hezwi hafhu. Musi Hoyu Muya wo ni wana, muthu a eṭhe, nahone wo da kha inwi, Ndi vhutanzi ha ifa lanu la u ya nga Hu Sa Pheli le Mudzimu a ni humbulela nahone a ni itela u bva tshe shango la sikiwa. Hovho ndi vhutanzi hanu.

⁹⁴ Vhunga no nkhumbela muvhula, huno nda ni ḥeya thoro. Zwino, hone—hone—hone vhutshilo ha muvhula ho no vha kha thoro, fhedzi ni teya u lindela u swika u tshi aluwa.

⁹⁵ Ngauralo na riñe-vho. Musi ni tshi ṭanganedza Muya Mukhethwa wa Mudzimu, Ndi vhutanzi ha Mudzimu ho lindela kha inwi, vhune ho no ni limuwa. Huno no pfuñelwa nga Muya wa pfulufhedziso, wa Mudzimu, kha Muvhili wa Kristo. Musi Mudzimu a tshi lavhelesa phasi u bva kha Khalivari a vhona Yesu a tshi khou fa, a si hezwo fhedzi zwine A khou ralo... O fela Muselwa Wawe, Muvhili, une wa vha Ipfi Tshivhidzo, Tshivhidzo tshine tsha tenda Ipfi la Mudzimu la tshikhathi, hu si na ndavha uri ndi milenzhe, muvhili, thoho, kana tshi nga vha tshini na tshini. Ni a vhona? Ndi... Kristo o vha a tshi khou shuluwa malofha nahone a tshi khou fa. Huno Mudzimu, a lavhelesa Khae, a vhona mvuwo Yawe, huno Tshivhidzo tsho vuwa Nae nga Paseka.

⁹⁶ Zwino, ndi khou ṭoda ni tshi pfesesa hezwi zwothe, ngauri ndi na tshihwe tshithu hafha hu si kale, tshine nda khou ṭoda u amba, Murena vha tshi funa.

⁹⁷ Zwino vhonani. Ndi fulufhelo, kana vhutanzi. Maanda a u hanyisa a mvuwo yanu, musi ni tshi ṭanganedza Muya Mukhethwa, zwenezwo a khou dzula kha inwi, vhutanzi hazwo.

⁹⁸ Vhonani, inwi—inwi zwino ni ndilani yanu, ni khou aluwa u ya kha mvuwo yo fhelelaho. A hu na muri wo no sokou aluwa nga vhusiku vhuthihi. U teya u aluwa, vhunga ri tshi aluwa kha tshilidzi na ndivho ya Mudzimu. No lovchedzelwa kha Muya Mukhethwa. Zwino, vhunga Tshivhidzo tsha pentekostała, tsho lovchedzelwa kha Muya Mukhethwa, Tshi khou thoma u aluwa. Matavhi o fa. Vho vha vha tshi khou a khwathela. Fhedzi Muri u kha di aluwa, u kha diya phanda, ngauri U khou teya u da kha mvuwo.

⁹⁹ Vho rangwa phanda nga Muya, uri vha hanyise Ipfi u itela vho inwi vhane na vha vhatendi. Ipfi li dzulela u hanyiswa, vhunga ni tshi da kha tavhi la u thoma, tavhi la vhuvhili, tavhi la vhuraru, u ya nthia. U sokou isa phanda na u hanyisa. Muya wa Mudzimu u isa phanda na u hanyisa kha inwi.

¹⁰⁰ Vhonani zwenezwo, Pentekoste, mivhili yavho yo hanyiswa nga Vhutshilo vhuswa he vha ṭanganedza. Hezwo zwi nnyita uri ndi dipfe ndi wa vhurereli. Elekanyani. Zwino, hafha ho vha hu muthu, vhanna vha vharei, mubadelisi wa muthelo, vhasadzi vhaṭuku vha u diṭukufhadza vha...vhafumakadzi zwavho vha nduni, vhasidzananyana tshipofu. Vho vha vha vhatendi. Vho vha vha khou tou tenda uri hezwi ho vha hu Ngoho. Vho tenda izwo, musi Yesu a tshi fa (Vho tenda Khae.) huno a vuwa hafhu, u bva vhafuni, vho tenda izwo uri ndi vhutanzi ha vhukuma ha Mudzimu, uri O Mu hanyisela vhutshiloni.

¹⁰¹ Zwino, vha gonya nthia, kha Duvha la Pentekoste, u ya u ṭanganedza ṭhanziela yavho. Ni a diṭha uri ṭhanziela ndi mini? Ndi musi vhunne ho khwathisedzwa. Vho gonya nthia heneffo u

yo ḥanganedza ḥanziela. Huno vha hanyiswa, kana zwi nyanyula hani! Vho renga shango; vho li rengeliwa. Vho li ḥanganedza.

¹⁰² Naa ni ngoho kana hai? “Ro Mu vhona a tshi vuwa, fhedzi mini-ha zwino nga riñe? Ri dzithanzi. Ro ima nahone ra vhona Muthu a tshi vhambiwa. Ro vhona makole a tshi da kha lifhasi nahone a swifhadza lutombo. Huno lone—lone lifhasi la dzinginyea nahone la tetemela; lo vha na mazhuluzhulu. Zwenezwo musi... Vha Mu vheya tshaloni. Vha Mu pfula kha khana, nga pfumo, huno vha tsitsa muvhili Wawe nahone vha u vheya kha tshalo tsha Yosefa Arimathea.”

¹⁰³ Huno zwenezwo vha wanulusa, uri, nga ḫuvha la vhuraru, A vuwa hafhu. Huno vhunga vhafunziwa vho ri, “Ri dzithanzi dza hezwi. Ro Mu vhona a tshi vuwa. Ri a zwi ḫivha uri U a tshila.”

¹⁰⁴ Zwino izwo zwe ita mini? Hezwo zwe bvisa nyofho dzothe. Ngazwo Yesu o ri, “Ni so ngo ofha. Ndi Nñe we a vha o fa, nahone ndi a tshila u ya nga hu sa fheli.” Ni a vhona? Zwe bvisa nyofho dzothe, musi vha tshi ita izwo.

¹⁰⁵ Zwino, fhedzi musi vha tshi ya kha Pentekoste, henehfo vho ḥanganedza maanda a u hanyisa, maanda o vha itaho vha tshilaho.

¹⁰⁶ Zwino hafho ndi hone hune nda elekanya hezwo, vhoinwi Vhaphuresibatherieni na vharathu vha Methodisi, ni a ḥanganedza zwi khagala nga u tenda kha Murena Yesu Kristo, fhedzi ḥanziela a i athu u da. Hezwo ndi u khwañisedzwa ha vhunne.

¹⁰⁷ Mudzimu o neya Abrahamu pfulufhedziso. Abrahamu a tenda Mudzimu, huno a vhidzwa muvhuya. Fhedzi O pfuñela mulanga nga pfundo la u rubisa.

¹⁰⁸ Huno Mudzimu vho ni fha pfulufhedziso, zwi khagala, uri ni do zwi ḥanganedza, nahone ni khou ya u vuswa, hoyu muvhili u khou ya u ḫewa vhugala Nae magumoni a tshifhinga. Fhedzi, ni a vhona, ni teya u wana khwañisedzo kha nyito. Huno heyi khwañisedzo ndi musi tshinwe na tshinwe tshine tsha hanedzana nazwo tsho bviswa, huno ni na ḥanziela khazwo. Ni na pfundo. Ndi zwañu. Tshinwe na tshinwe khazwo ndi tshañu. Amen.

¹⁰⁹ Huno musi ri tshi tenda kha Yesu Kristo sa Mutshidzi washu, huno ra rembuluwa nahone ra lovhedzwa, huno ra da kha u Mu tenda; Mudzimu vha limuwa u rembuluwa hashu na lutendo lwashu Khavho, huno vha rumela phasi thanziela. Huno ḥanziela ndi vhuñanzi. Ndi khwañisedzo ya uri, zwithu zwe the zwe na vhuya na pomotshedzwa, no rembuluwa lwo fhelelaho. Haleļuya! Huno tshishumiswa tsho rengiwa, huno no fara ḥanziela sa vhuñanzi.

¹¹⁰ Litshani muñwe muthu a lingedze u ni bvisa kha ayo mavu, a ri ndi awe, huno inwi na ḥanziela tshandani tshañu. Mu litsheni

a lingedze u zwi ita. A hu na mulayo shangoni une wa nga zwi ita, ngauri no fara ḥanziela.

¹¹¹ Huno a hu na diabolo, a hu na tshivhidzo, kana thiolodzhi na nthihi, ine ya nga fhira mikano ya vhuṭanzi ha Mudzimu na ḥanziela, ya uri Muya Mukhethwa wo ri limuwa kha Yesu Kristo. Ri na vhuṭanzi ha u vuwa sa vhunga O vuwa, ngauri zwi khagala ro no vuwa Nae. Amen.

¹¹² Zwithu zwi lala. Zwi ita mini kha mivhili yashu i faho? Zwi shandukisa kuhumbulele kwashu, zwa shandukisa vhupfesesi hashu. Zwi vheya lutamo lwashu kha zwithu zwi re N̄tha. Huno u daha, u ḥawa, u betsha, zwithu zwe na vha ni tshi ita, zwo fa. Zwi fhasi hanu.

¹¹³ Huno no hanyiswa. Huno haya maanda a u hanyisa a disa muvhili wanu kha nyimele ya u takulelwa n̄tha, nga tshihadu. Lavhelesani vhatu vha pentekostala n̄tha hafho, musi vha tshi hanyiswa nga Muya Mukhethwa. N̄thetsheleseni. Musi hetsho tshigwada tsha pentekostala n̄tha hafho, nga Duvha la Pentekostala, vha tshi ḥanganedza nyito ya ḥanziela yavho u bva kha Mudzimu, zwo tou ralo, zwo ḥeya vhugala mimuya yavho. Vho tzhema. Vho vhona ndimi dza Mulilo dzi tshi fhandekana n̄tha ha muñwe na muñwe wavho. Huno zwa hanyisa mivhili yavho nga maanda, u swika hune vha kundelwa u amba nga luambo lwa lifhasi. Zwo hanyisa muvhili wavho u ya kha luambo lwa Tađulu, Fhethu hune vha khou ya hone. Maanda a u hanyisa a Mudzimu o dzinginyisa mivhili yavho i faho nga u ralo, u swika hune luambo lwavho lo fhelelaho lwa lifhasi lwa shandulwa, lwa shandukiselwa kha luambo lwa vha sa fiho. Maanda-de a u hanyisa nandi! Ndi mini? Tshiñwe tshitihu tshi re hone.

¹¹⁴ “Arali Muya wo vusaho Yesu vhafuni, wa dzula kha mivhili yanu i faho, U do hanyisa-vho mivhili yanu i faho.” Zwenezwo ro hanyiswa nga maanda a Mudzimu a tshiňaho.

¹¹⁵ Ndimi, vha hanyiselwa kha luambo luswa lwa Tađulu, u amba navho; u takulelwa n̄tha, u vuwa ha tshiimo tsho fhambanaho kha tshe vha vha tshi tshila khatsho. Hafhuha, na Vhutshilo vhuswa ha u hanyisa khavho, he ha da khavho, Ho hanyisa luambo lwavho. Vha amba nga ndimi ntswa. Oo, ee!

¹¹⁶ Zwino vha lavheleseni. Zwo vha zwo dzudzanywa u vha ḥeya, murahu ha heyi ḥanziela, zwo vha zwo dzudzanywa u vha ḥeya pfulufhedziso iñwe na iñwe ye ya vha i mavuni. Pfulufhedziso iñwe na iñwe mavuni a Ipfi la Mudzimu, ye ya fulufhedziswa kha Bivhili, hayo maanda a u hanyisa vho a ḥewa, uri a hanyise heyo pfulufhedziso khavho. Zwo ralo, vho vheya zwanda zwavho kha vhalwadze, vha fhodzwa. Vho amba nga ndimi ntswa. Vho sumbedza zwiga zwi hulu na vhuṭolo, ngauri hezwo zwo vha zwi kha pfulufhedziso ya Mudzimu. Huno musi Yesu a tshi fa, uri a rengululele hezwo murahu khavho,

hayo mavu ane a vha a vharwa vha Mudzimu, O sumbedza uri Mudzimu u hone.

¹¹⁷ Mini-ha nga riñe ri tshi lingedza u ita izwo sa vhudavhidzani nahone ra zwi vheya kha tshiimiswa? A ri na pfanelo ya u ita hezwo.

¹¹⁸ Ndi Muya Mukhethwa, ñamusi, u khou zwimana na mbilu dza vhungoho dzine dza ðo tenda uyo Mulaedza. Tshiñwe na tshiñwe kha Bivhili, tshe tsha fulufhedziswa, ndi tsha uyo mutendi. Huno musi ni tshi zwi ḥanganedza nga vhuðalo, huno Mudzimu o zwi ðivha uri ni ðo ralo, U ni ñeya ḥanzielā kha izwo. Huno pfulufhedziso iñwe na iñwe ye ya itwa vhuimonī hanu, huno Muya Mukhethwa u heneffo u hanyisa izwo kha inwi. Oo, nne-nne! Mini-ha— ri lushaka-de lwa vhathe lune ra teya u vha lwone? Ndi zwavhuði hani u vcona Muya Mukhethwa muhulu wa Mudzimu u fhano u ita ayo maanda! Elekanyani ngazwo. Musi, Muya Mukhethwa Wone uñe, u fhano u khwáthisedza ino awara. Yesu o ralo. Ha shanduki mulovha, ñamusi, na lini na lini.

Khombo-de kha muthu muñwe na muñwe ane a lingedza u bvisa izwo Afho?

¹¹⁹ “Mishumo ine Nda ita ni ðo ita-vho,” Yohane 14:12. “Hezwi zwiga zwi ðo tevhela avho vhane vha tenda.” Hezwo ndi vhuñanzi. Musi ri tshi vcona tshigwada tsha vhathe vho dzula vhoþhe, huno izwo zwiga zwi tshi ðivhonadza, hezwo ndi vhuñanzi ha uri ḥanzielā i hone u khwáthisedza uri hezwo ndi zwithu zwa Mudzimu. Amen.

¹²⁰ Ngauralo, ri Paseka, na riñe-vho. Amen. Zwino ri kha Paseka yashu. Ro no vuwa kale, haleþuya, kha zwithu zwa shango, u ya kha zwithu zwa pfulufhedziso ya Mudzimu. Hu si ri ðo ralo; ro ralo. Ndi mvisela khagala.

¹²¹ Ndi pfulufhedziso ya Mudzimu. U ðo shela Muya Wawe maduvhani a u fhedza, huno hezwo ndi zwine vha ðo ita. Vhonani, vho vheya zwanda zwavho kha vhalwadze; zwoþhe zwe zwa vha zwi kha pfulufhedziso ya Mudzimu. “Ndi ðo shela Muya Wanga maduvhani a u fhedza, kha ñama yoþhe. Vhakalahva vha vhoiñwi vha ðo lora miloro. Vhatukana vha vhoiñwi vha ðo vcona mabono.” Huno hedzi pfulufhedziso dzoþhe dzo fhambanaho dze A ita, zwoþhe zwo dzula heneffo kha pfulufhedziso ya Mudzimu. Yesu o zwi rengululela riñe. Huno musi ri tshi vha . . .

¹²² Kana, riñe, arali ro telwa kha hayo mavu, arali ro telwa u vha kha hayo mavu; vhunga goni li tshi khou tshimbila tshitumbani tsha khuhu. Arali no telwa hayo mavu, Muya Mukhethwa u fhano u ni wana. Huno musi U tshi ni wana, ni limuwa mbidzo Yawo. Ni a ðivha awara ine na khou tshila khayo. Ni a ðivha uri hezwo zwithu zwi teya u iteya. Nga u ḥavhanya ni a takulelwa n̄ha u ya u ḥangana Nawo, huno zwino no dzula Maþadulu kha

Kristo Yesu. Oo, pfulufhedziso-de nandi! Khotsi wa Tađulu wa hani ngoho, Ane a ri fha izwi zwithu!

¹²³ Muya wo hanyisa vhuledzani havho na Mudzimu, uri vha vhidzelele vhafu murahu vhutshiloni, nga ilo duvha. Vho ladza mivhili yavho n̄tha ha vhafu; vha vhuya vhutshiloni. Thetshelesani nga vhuronwane. Vho ita zwithu zwithihi zwe Yesu a ita ngauri Muya muthihi, we wa vha u Khae, wo vha u khavho. Arali Muya muthihi wo ita muthu uri a difare nga heyi ndila, u ita muňwe-vho uri a difare nga yeneyo ndila. Arali muthihi . . .

¹²⁴ Naa izwi zwi nga bvelela hani, kha ri ri u na Muya wa Mudzimu, huno a landula mishumo ya Mudzimu? Zwi nga si ralo.

¹²⁵ Vhonani. Vhutshilo ha Mudzimu, vhune nga Tshigerika vhu vhidzwa Zoe, u tshimbila nga khavho nahone khavho, u hanyisa mihibulo yavho kha Ipfi Ławe. Zwino, i rani ndi zwi ambe nga u ḥavhanya zwino. Muya wa Mudzimu we wa tshimbila vhukati ha vhathu, wo hanyisa muhumbulo wa muthu kha pfulufhedziso ya Mudzimu. Ni a vhona? U ya zwi ita. Lavhelesani. Huno ndi khou lingedza u ni sumbedza yone—yone. . . huno tendani u limuwa uri ndi khou amba zwino nga Tshivhidzo, huno na u hanyiselwa kha Vhutshilo, Khae.

¹²⁶ Naho, vho vha vha tshi tou vha zwibveledzwa Zwawe fhedzi, na u rangani hazwo. Fhedzi arali Mudzimu o ri, "Nga heli duvha," murahu u rangani, "John Doe u do vha mulanda Wanga," miňwaha ya milioni yo fhiraho. Zwino, John Doe o bebelwa tshivhini, a vhumbwa vhutshinyini, a da shangoni a tshi amba mazwifhi, ngauri ndi a faho. Fhedzi, khańwe, u ya wana zwipfi zwa vhurereli. U do ya a vha murado wa tshivhidzo. Khańwe u do vha murado wa tshivhidzo tsha Pentekostala. A thi ḫivhi. A nga vha murado wa tshińwe na tshińwe. Fhedzi mu tendeleni a džheni fhasi ha tshiimo tsha Mudzimu, luthihi. Ni a vhona? John Doe o teya u limuwa uri Khotsi awe ndi Nnyi, vhunga goni lo limuwa uri mme alo o vha a nnyi. Li teya u zwi limuwa. Ni a vhona? Fhedzi, uri John Doe ndi tshibveledzwa tsha Mudzimu tshe tsha vha ipfi, lo ambiwaho, huno zwenezwo Muya Mukhethwa u zwimana na ilo ipfi. Kheļi afha. U ya mu vhidza, a mu neya Vhutshilo ha lini na lini, huno a mu vhuisa Vhuhoneni ha Mudzimu, Ipfi la Mudzimu.

¹²⁷ Lavhelesani. Mudzimu o vha na zwithihi musi a tshi vhona Yesu. Ho vha hu—ho vha hu mushumo wo fhelaho we Mudzimu a u fhedza na Yesu, musi A tshi ri, "Zwo khunyelela." Ndivho yothe yo khunyelela.

¹²⁸ Huno musi Muya wa Mudzimu u tshi da kha inwi, huno na vha ni muňwe wa zwibveledzwa zwa Mudzimu zwavhukuma zwe A zwi amba. Zwino, arali ni so ngo ralo, ni do tendeleka nahone na sinyuwa, huno na gidimela *afha* na *afho*, na zwińwe zwothe,

huno ni sa vhuye na swika kha ndivho ya Ngoho. [A hu na tshithu kha theiphi—Mudz.] Arali ni muñwe wa havho, zwithu zwi lala zwi a fhira nga u ḥavhanya, ni a vhona, huno na vha muswa, huno ndivho ya u tshidziwa yo khunyelela. No lugela u ḥonifha Ipfi liñwe na liñwe la Mudzimu le la vhuya la amba nga inwi, ni a vhona, uri inwi ni zwi ite. Ni dītukufhadza kha Ipfi Lawe. Khanedzano, kokotolo, thanziela kha thendelano, thanziela ya vhune ndi yanu. Zwikolodo zwo badelwa. Zwo bviswa zweþhe, huno vhunga zwo ralo nga Duvha la Pentekoste.

¹²⁹ Zwino kha ri vhone hafha kha u hanyisa, hoyu Muya wa u hanyisa kha vhañwe vhathu.

¹³⁰ Zwino, ndo ni vhudza uri a thi nga ambesi, huno ndi tou vha na miniti ya fumbili ya u tevhedza ipfi langa, arali nda ita hezwo, vhonani, u tevhedza kha tshifhinga tshe nda amba, u ya kha—u ya kha awara.

Vhonani zwino haya maanda a u hanyisa. Ane a ða fhedzi . . .

¹³¹ Zwino, A hoiwa zwinzhi. Hu na vhathu vhanzhi vhanze vha elekanya uri vha Nao, musi vha si na. Vhathu vhanzhi vha zwi ita ngauri vho dalelwa nga tsumbedzo ya mazwifhi ya zwe vha vhona vhañwe Vhakriste vha tshi khou ita. Sañhani a nga edzisela tshiñwe na tshiñwe tsha izwo. Izwo ri a zwi ðivha. Huno sa vhafunziruñwa, ni nga zwi vhona zwi tshi edziselwa: u huwelela, u tshina, u amba nga ndimi, zweþhe hezwi zwithu. Ni a zwi vhona zwi tshi khou edziselwa hoþhe-hoþhe. Zwo tou ralo. Vhukati ha vha sa tendi na vhathu vhanze vha landula zwo raloho zwauri Yesu Kristo ndi Murwa wa Mudzimu. Ni a vhona? Huno vha ita hezwo zwithu zweþhe, vhone vhañe.

¹³² Fhedzi wa vhukuma, Muya wa ngoho wa u hanyisa une wa ða kha mutendi, u mu hanyisela kha Ipfi la Mudzimu, hezwo ndi u humela murahu kha Zwiliwa zwa goni, henefho murahu he a tshila hone. “Muthu ha nga tshili nga vhurotho fhedzi, fhedzi nga Ipfi liñwe na liñwe li bvaho mulomoni wa Mudzimu.”

¹³³ Zwino kha ri dzhiele nzhele kha hoyu Muya wa u hanyisa musi U tshi ða kha vhañwe vhathu, vhunga Wo ralo nga—nga Duvha la Pentekoste.

¹³⁴ Kha ri dzhiele nzhele Pentekoste, uri vho difara hani, huno ri vhone arali vho vha vho hanyisiwa nga maanda a u hanyisa ane ra khou amba ngao. Nga Duvha la Pentekoste, vho vha vho lindela vhoþhe n̄ha henefho. Ngomu havho, vho vha vha tshi khou ofha. Vhayuda, zwe vha vha vha tshi khou ya u ita, ngauralo vha tshenuwa. Fhedzi ho iteya mini? Musi haya maanda a u hanyisa a tshi wa u bva Taðulu, ho vha na u khwathiswa ho vheiwaho khavho. Ho vha hu na tshiñwe tshithu, u pfesesa, he vha vha vha si na vhuñanzi ngazwo murahu ha awara ḥukhu. Who zwi ðivha uri O ralo—O ralo u fa.

¹³⁵ Who zwi ḋivha uri O vuwa. Who amba Nae ndilani. “Fhedzi izwo zwithu zwe vha zwi zwavho, kana zwe vha zwi tshi sokou vha zwavho, zwa Yesu Ene muṇe?”

¹³⁶ Fhedzi hafha nga Duvha la Pentekoste, Muya Mukhethwa, thanziela yo wela kha vhatendi. Hezwo zwe vha ita tshipida tsha mvuwo Yawe, zwe mu ita tshipida tsha vhuledzani Hawe. Muya Mukhethwa wo da wa vha khwathisedzela uri vha do vuwa, ngauri who vha vho dzula who vuswa na zwenezwo, u bva kha magoswi u ya kha vhanna who ḋiimisaho.

¹³⁷ Who vha vho ralo—vho vha vha tshi khou ofha Ipfi lithihi le vha elekanya. Ni so ngo tendela hezwi zwa ni fhira. Who vha vha tshi khou ofha. Who zwi ḋivha uri O vha a Ipfi.

¹³⁸ Na Vhayuda who fhedza who zwi ṭanganedza. Nikodemo o ri, “Mufunzi, ri a zwi ḋivha uri U mufunzi a bvaho ha Mudzimu. A hu na muthu ane a nga ita zwithu zwine wa ita nga nn̄da ha musi Mudzimu a Nae. Zwino, hezwo ri a zwi ḋivha. Hezwo ri a zwi limuwa.”

¹³⁹ Ngauralo vhafunziwa . . . Petro o ita na u ana Vhuhoneni Hawe. Vhothe who Mu ḫutshela u vhambiwani.

¹⁴⁰ Fhedzi khevha afha ngei kha lufhera lwa n̄tha, Vhuhoneni ha Mudzimu. Zwenezwo, nga tshihadu, afha hu da uyu Muya Mukhethwa u tshi bva Taqulu, huno Wa vha hanyisa. Huno u hanyiswa ha iteya, who vha sa tsha ofha u ḫneya vhuṭanzi ha Mulaedza we vha tenda na u ḋivha sa wa Ngoho. Nga iñwe ndila, who vha vha tshi khou Zwi ofha.

¹⁴¹ Ndi Vhaphuresibatherieni vhangana, ndi Vhamethodisi vhangana, ndi Vhabaphuthisi vhangana, shangoni ḫamusi, ndi Vhapentekostała vhangana, vhane vha ḋivha Ngoho huno vha ofha u I imela? Ndi khou kombetshedzeya u whilaela, ndi mini izwo zwe ni ḫadzaho? Naa ni tshipida tsha mvuwo Yawe? Naa ni do vhuya na lingedza u litsha u huwelela kha thaluso ya muñwe muthu kana kha kuhumbulele? Kana, ni na u ḋivhudza ha vhukuma na—na vhunna ha vhukuma hune ha ṭodeya, uri ni ime nahone ni vhidze zwi re zwone “zwone,” na zwe khakheyaho “zwo khakheyaho”? Naa ni tshipida tsha mvuwo Yawe, kana ni muloshi wa tshigwada tsha mikhuvha? Naa ni mu yi wa tshivhidzoni, ni na dzina ḫanu heneffo, huno no fa tshivhini na kha u pfuka?

Hoyo ane a sa tende kha Ipfi lo fhelelaho la Mudzimu ndi muitazwivhi.

¹⁴² Havho Vhafarisei who tenda kha zwithu zwinzhi, sa zwine zwa vha Ngoho. Who ri, “Ri vhana vha Mudzimu.” Huno who vha vho ralo, u swika helo Ipfi li tshi reriya. Fhedzi musi Ipfi li tshi reriya nahone ḫa khwathisedzwa, zwenezwo vha vha vhaitazwivhi, nga u landula Tshithu tshine vha ḋivha uri ndi tshone, nahone who tshi ṭanziela. “Ri a zwi ḋivha uri Iwe u

mufunzi a bvaho ha Mudzimu, ngauri a hu na muthu ane a nga ita hezwi zwithu zwine Wa ita Mudzimu a si na Iwe.”

¹⁴³ Ndi a vhilaela ḥamusi, hune ra vha hone? Ndo vhudzisa vhoinwi. Iyi mvuwo i khou ri wana gai? Naa no lugela u bvela nnda? Naa no lugela u dzhiya Mudzimu kha Ipfi Lawe? Arali no telwa Vhutshilo, ngoho-ngoho ni do ralo. Arali ni goni, ni nga si tou funa kha u zwi ita, hu na Tshinwe tshithu ngomu hanu. Kana, ni khou ṭoda u shumela mishumo huṁwe fhethu, ni ri, “Ndi a ya tshivhidzoni. Ndo luga u fana na iwe”? Ni a vhona? Arali na sa fara pfanelo dza mabebo, a ni nga vhuyi na zwi vhoni, ni nga si zwi vhone. Fhedzi arali na ralo u farelela hovhu vhuimo ha pfanelo ya mabebo, a ni nga do tou funa u zwi vhona, ngauri zwi tshipida tshaṇu nahone ni tshipida tshazwo.

¹⁴⁴ Ndi nga landula hani mme vhe vha mmbeba? Ndi nga landula hani khotsi, uri malofha avho vhone vhane a kha nn̄e? Ndi nga landula hani Charles Branham uri ndi khotsi anga? Ndi nga si zwi ite. Ndi khou funa u imela u nyadzwa havho kana tshini na tshini, ngauri ndi murwa wavho. Halementu!

¹⁴⁵ Zwenezwo nga u vha murwa wa Mudzimu, huno O vha a Ipfi la Mudzimu, ndi nga landula hani iyo Bivhili sa ya Ngoho, uri Yesu Kristo u ya shanduka mulovha, ḥamusi, na lini na lini? Huno ndi tshi vhona awara ine ra khou tshila khayo, ri khou ṭoda Paseka tshivhidzoni. Mvuwo! Ri khou ṭoda mvuwo, u maandalafhadza lutendo, vhanna na vhasadzi uri vha imele izwo zwine zwa vha Ipfi la Mudzimu lo khwathisedzwaho.

¹⁴⁶ Ni ri, “Zwo luga, ri khou vha na Vhaswa vhashu u itela Kristo.” Hezwo zweṭhe zwo luga. “Tshiyhidzo tshashu tshi na muṭangano. Ri khou ṭoda mirado minzhi *nga* maanda.” A thi lwi na izwo. Hezwo zweṭhe zwo luga. Fhedzi hetshi tshi tou vha tshiimo. Hedzo dzi nga vha dzi phapha dza khuhu ya kale. Fhedzi arali na nga dzhena kha tshiimo tshone-tshone hafho, zwi do kudzela goni arali ni kumba la goni. Huno arali no vha no tiwa nga Mudzimu uri ni zwi vhone, a ni koni u sa zwi vhona, ni khou bvelela kha mvuwo. Heyo ndi yone ndila ye Baphuthisi ya bebiswa zwone, heyo ndi yone ndila ye Methodisi ya bebiswa zwone, kha mvuwo ya liya ḫuvha, fhedzi vha mbo di vha khuhu madzuloni a goni.

¹⁴⁷ Vhunga ndo amba a si kale, ndi tshi khou tsela fhasi u bva Tucson, Ndo lavhelesa tshithu tshi so ngo ḫoweleyaho nga maanda. Ndo vhona lianga lo dzula kha diraṭa fhasi afho. Lianga lo xeletwa nga thaluso yało kale. Lo vha li tshinoni tshi re tsini na goni. Lo vha li sa koni u tevhela goni; hai, hu si na na khonadzeo na nthihi. A hu na tshithu tshire tsha nga tevhela goni. Fhedzi lo vha li lianga.

¹⁴⁸ Kristo ndi Goni, tshiyhidzo tshi tou teya u vha lianga. Vha ya kona u fhufha u fhira zwiṁwe zwinoni zweṭhe. Fhedzi lianga li who ḫembelela. Lo xedza ḫhaluso yało. Li dzula kha diraṭa ya

thelefoni nahone ḥa lindela muvhuda wo faho. Ḫi thamuwa sa lianga, madzuloni a u fhufha sa lianga.

¹⁴⁹ Oo, murathu wanga, khaladzi, vhoiñwi vhatthu vha Pentekostała, vhane vha vha vhatthu vhanga vha funeaho! Tshivhidzo tshi khou xedza thaluso yatsho. Tshi khou tsela fhasi nahone tshi khou qigogoqedza nga miñwe mishumo zwayo yo faho, madzuloni a u fhufha Mañadulu, ngei, u itela mana thethe.

¹⁵⁰ Lianga ḥo vha Ḫi tshi tou dízwimela mana yalo, fhedzi ñamusi ḥi dzhiya zwine goloi dla thula nahone zwine tshidiamainha tsha ḥa. Ḫi thamuwa sao. Ḫi vhonala sao.

¹⁵¹ Ri díçama kha shango ḥa tshizwino, vhasadzi vhashu vha khou ḫunya mavhudzi, na u ambara zwipfufhi, vhamma vhashu vha si na muñoda wo edanaho u ima kha phuluphithi huno vha amba ngoho. Ri vho leluwa kha Ipfi.

¹⁵² O Mudzimu, rumela Muya Mukhethwa nahone u lavhelese nnđa kha ayo magoni hunwe fhethu, o lugelaho u ima thungo, hu si na ndavha zwine zwa iteya, ane a do fhufhela hu sa divheyi, hu si u dzula kha thambo ya thelefoni nahone vha lavhelesa kha iñwe ngudo ya tshikolo tsha Swondaha uri i de. Ntendeleni ndi vhe na Ipfi, nahone kha vhuswa ha maanda na mbonadzo ya Muya Mukhethwa. Ri khou ḫoda Paseka, mvuwo ine ya vha ya u bvisela khagala. Khonani yanga, arali no fusheya nga idzo nama dzo sinaho dla shango, hu na tshiñwe tshithu tsho khakheyaho.

¹⁵³ Khaladzi anga, murathu wanga, ntendeleni ndi ambe hezwi kha vhoiñwi, hezwi, kha nyofho khethwa, ndi tshi dívha uri zwi nga iteya ndi si tshile u vhona iñwe Paseka hafhu. Fhedzi hu na tshithu tshithihi tshi re na vhuñanzi, musi murwa wa Mudzimu wa vhukuma o tiwaho, nga Ipfi ḥa Mudzimu, a tshi pfa ilo Ipfi ḥa Mudzimu, u do vuwa nahone a ya u ḫangana Nalo. Ndi tsumbedziso, dla uri u khou ya u ḫangana na Ipfi ḥa vhukuma ḥi tshilaho. Vhunga O ralo, Muselwā u do ḫangana na Muhwe. U tshipida tsha Muvhili Wawe.

¹⁵⁴ Vhonani, tsha kale ro ralo, ri khou xedza ḫaluso dzashu. Ri da vhusiku ha Lávhuraru, vhañwe vhashu. Vhañwe vha dzula hayani uri vha vhone *Ndi Nnyi Ane A Funa Susi*, dzithelevishini, zwithu zweqhe zwe fhambanaho zwa shango, miswaswo yoqhe yo fhambanaho, uri zwi ni fareledzele kule na tshivhidzo. Kale ro i xedza.

¹⁵⁵ Dziseminari dzashu, zwikolo zwashu, zwi khou bvisa tshigwada tsha Vhoricky vha na thiolodzhi nnzhi, na—na zwmvumvusi na zwithu zweqhe tshivhidzoni, uri zwi dzhiya fhethu ha muñangano wa thabélo. Ro dzhiya zwi ambaro nahone ra lingeda u vuledza zwe vhatshizwino vha lingeda u ita, vha díse ngomu. A ni nga vhuyi na vha kunda nga hezwo. Vha na vhunzhi ha hezwo u fhira zwine na vha nazwo. A ni na mushumo vhuimoni hanu... vhuimoni havho. Vha tendeleni vha de kha

hanu, hune ndovhedzo ya vhukuma ya khou penya, hune ha vha na maanda a vhukuma a mvuwo. Ni so ngo lingedza u fhaṭa tshivhidzo vhunga tshavho. Ni so ngo lingedza u vha na mufunzi vhunga hezwo. Ni so ngo lingedza u ita *hezwi, hezwo*, na *zwinwe*, kana u shumisana na shango. Vha penya na Hollywood.

¹⁵⁶ Mafhundo madifha a vhukuma a vhangama nga maanda. Magoni a pfa zwenēzwo. A vha lavhelesani na zwipenyaho. Vha lavhelesana na u vhangama. U vhangama nga u dīṭukufhadza, u vhangama nga lufuno, u vhangama nga maanda, hezwo ndi zwine goni lavhukuma la zwima. Ni nga si pale tshitumbani huno na li takadza. Li nga si vhuye la kona u zwi ita. Ni nga si li vhudze izwo, ngauri a li zwi tendi.

¹⁵⁷ Litshani Ipfi li huwelele u bva Tađulu, “Ndi Nne we a vha a fa, huno ndi a tshila hafhu.” Tshiňwe tshithu tsho iteya. “A thi shanduki mulovha, namusi, na lini na lini. Zwi do vuledzeya maduvhani a u fhedza, Ndi do dishela Nne muṇe kha nama yothe.” Vhugala kha Mudzimu! “Ndi do hanyisa luambo lwaṇu lu faho. Ndi do hanyisa ndimi dzanu dzi faho. Ndi do ni neya vhučanzi ha uri Ndi khou ya u ni vusa nga mvuwo na Nne.” Magoni a na mbilu dzi na ndala a swikelela izwo u ya nga hune a kona. Ndi Malungu a mutendo muhulu, uri vha rengise zwiňwe zwithu zweithe, uri vha ye u renga. Amen.

¹⁵⁸ Mudzimu ri thuse, khonani. Zwivhidzo zwashu zwi khou xedza ḥhaluso.

Kha ri ḥavhanye zwino ri ye kha zwiňwe.

¹⁵⁹ Lavhelesani nyito dza avho vhafunziwa, u ofha. Vho zwi divha uri Yesu ndi Ngoho, fhedzi, ni a vhonā, Zwo vha zwi tshi lwa na kuhumbulele ku ḥivheyaho, vhurereli vhu ḥivheyaho ha awara, vhurereli ho omesaho, Sar-... Vhafarisei, Vhasadukei, na vhaňwe vhanzhi, maitele avho, tshaka, na dzidinomineisheni. Vho vha vha—vho vha vha tshi lwa na izwo “tshika.” Fhedzi Yesu o vha a Ipfi lo ḥaluswaho.

¹⁶⁰ Huno Yesu ndi Muya Mukhethwa, kha Muya. “Hu si kale shango a li tsha do Mmbona. Ni do Mmbona,” hu si muvhili; Vhutshilo he ha vha hu Khae. Mudzimu u kha Tshivhidzo, uri a vhidze vharwa sa zwe A ita murahu ngei, ḥonifho.

¹⁶¹ “Ndi dzulela u ita izwo zwi takadzaho Khotsi Anga. Ndi ufhio kha vhoiwi ane a nga Nkhwelela tshivhi?” Nga maniwe maipfi, *tshivhi* ndi “u sa tenda.” “Ipfi lo ri mini nga Nne, tshe Ndi si ite?” Khezwo heneffo. “Ntsumbedzeni zwe Ipfi la amba uri Ndi do ita, zwe Ndi si ite. Ndi ufhio ane a nga Nkhwelela? Ndi ufhio ane a nga vheya muňwe kha Nne, huno a ri A tho ngo vuledza Ipfi la Khotsi Anga?” Oo, musi tshivhidzo tsha Pentekostala tshi tshi swika hafho fhethu! “Ndi nnyi ane a nga Nkhwelela u sa tenda?”

¹⁶² Oo, Vhakriste, ḥaluswani fhedzi hu si sa lianga, fhedzi sa goni. Heļo lianga ndi litete, zwi do tsa phasi. A ni athu u

vhona goni li tshi ita hezwo. Li nga si vhuye la ita hezwo. Li tou di zwimela zwiliwa zwalo, hu si na tshithu. Mudzimu o li dzudzanya uri li zwi vhone. Li wana mana ntswa, hu si tshiñwe tshithu tsho faho.

¹⁶³ Kha Vhahevheru, musi vha tshi fhira sogani, vho la, vho lingedza u la mana yo faho. Yo vha yo no tshinyala. Yo vha i na—yo vha i na vhusidu khayo. Ni a divha zwine nda sumbedzisa. Yo vha yo tshinyala, yo sina. Mbungu dzi khayo.

¹⁶⁴ Ndi ngani ndi tshi teya u la zwiliwa zwe sinaho lwa miñwaha minzhi yo fhiraho? Zwi nga vha zwi tshe kha tshivhumbeo tshone na dzulele, fhedzi a si zwa vhudi. Ri teya u wana zwiliwa murafho muñwe na muñwe, zwiswa. Ngauralo goni li lavhelesana na zwiliwa, murafho muñwe na muñwe, sa vhunga ri kha lwendo lwashu. Vhonani.

¹⁶⁵ Zwino kha ri dzhiye vhañwe vhathu hafhu. Kha ri dzhiye vhañwe vha vhaporofita vha Testamente ya Kale, ni vhone zwe vha ita.

¹⁶⁶ Kha ri lavhelese u thoma kha Stefano, uri hani Stefano vhukati ha uyo Khoro ya Sanhedrin. Musi iyo khoro i tshi mu disa n̄ha afho, ila khuvhangano khulu ya vhatendi heneffo, kana vha teyaho u vha vhatendi, vho mu disa heneffo n̄ha nahone vha lingedza u mu hañula. “Nga mini,” o ri, “vho inwi no omaho mitsinga, vha so ngo rubaho mbiluni na n̄devheni, ni dzulela u thivha Muya Mukhethwa.” Hovho ndi vhuñla Vhutshilo Vhu Sa Fheli. “Vhunga vhokhotsi anu vho zwi ita murahu ngei kha avho vhaporofita, ngauralo ni khou zwi ita ñamusi.” Huno vha shenganya maño avho khae. Vho vha vha sa ñodi u pfa izwo. O vha a tshi hanedzana na mikhuvha yavho. O vha a tshi hanedzana na dinomineisheni yavho. Huno vha kanda uyo muthu nga matombo u swika a tshi fa. Huno a imisela zwanda zwawe n̄ha, a lavhelesa Tañulu, a ri, “Ndi vhona mañadulu a tshi vuleya, huno Yesu o ima thungo ya tshañula.” Ndi nga mini? O vha a na mvuwo, maanda a u hanyisa a khae, e a mu dzhiya a mu isa marumbini a Yesu.

¹⁶⁷ Vhonani, nga u ñavhanya zwino. Lavhelesani kha Filipi, fhasi heneffo kha mvuseledzo khulu. A tshi khou vha na mvuseledzo he yo vha i tshi ño vha ya vhudi kha muthu muñwe na muñwe, nga mini, arali o vha a na vhushumisani vhuhulu vhukati ha zwivhidzo na zwoñhe fhasi afho. O vha a na mvuseledzo khulu. Huno maanda a u hanyisa a Mudzimu a amba nae, a ri, “Stefano . . .” Ngavhe A tshi amba hezwi, “U na mvuseledzo khulu, fhedzi Ndi na muthu muthihi ane Nda khou ñoda u tshi amba nae.”

¹⁶⁸ Huno Stefano ndi wa u ñonifha, hu si na ndavha uri tshi tou vha mini, uri hu na u godiwa hu ngafhani. “Oo, Stefano, u nga si ñuwe.”

“Fhedzi, Ndi nga ralo. Mudzimu vho ralo.”

¹⁶⁹ Huno a ḥuwa a ya sogani, huno nn̄da henengei a wana heligota. Huno ha iteya mini? A ri, “Naa... Arali iwe u tshi tenda nga mbilu yau yoṭhe, uri Yesu ndi Murwa wa Mudzimu, ndi do u lovhedza.” Musi a tshi mu lovhedza . . .

¹⁷⁰ Lavhelesani. O vha o hanyisa nga haya maanda a u hanyisa, uri a ṭutshele mvuseledzo ya vhatu vha na zwigidi, uri a ye sogani, kha muthu muthihi. Oo, hezwo zwi hanedzana na mbuno dzoṭhe. Ni a vhona? “Nga mini, hu na vha zwigidi zwi na fumi vhane vha khou ḥoda *fhano*.” Fhedzi hu na muthihi o lindelaho, nn̄da *hafho*. Ni a vhona? Huno maanda a u hanyisa o mu rumela fhethu ho bveledzwaho nga Mudzimu. Haleluya!

¹⁷¹ Vhanna na vhasadzi, A do ni ita uri ni ime nga milenzhe yanu. A do ni ita uri ni ite zwithu zwine Mudzimu a khou ḥoda ni tshi zwi ita. A thi na ndavha zwine muñwe muthu a amba nga hazwo. Mudzulatsini u ri, “Oo, hoyo muthu o xedza muhumbulo wawe. Vha rabela vhusiku hoṭhe; vha a vhala Bivhili.” A thi na ndavha zwine vha amba. Ndi zwe Mudzimu a ni vhidzela zwone uri ni ite. Hezwo ndi zwone. “Oo, vha ri ri nga si vhe na heyi fesheni ya kale, mvuseledzo dza Pentekostała.” Oo, ee, ri nga ralo, na riñe-vho. Ni nga vha nayo ngomu hanu. Huno ni tshitshavha, kha Mudzimu, hu si na ndavha kha zwine vhañwe vhovha vha tshi elekanya.

¹⁷² Vhonani, murahu, kha ḥonifho. Thetshelesesani zwino. Murahu ha u ḥonifha Mudzimu, kha Ipfi Ḥawe, musi a tshi vuledza mushumo wawe, haala maanda a u hanyisa e a a tanganedza nga Pentekoste a mu gavha, a hanyisa muvhili wawe. Lwa dzimaela na dzimaela, o vha o hwaliwa Muyani, huno a wanala kha liñwe shango huiñwe fhethu-vho. Maanda a u hanyisa a Mudzimu! Huno arali ra vha vhapentekostała, “Haala maanda mathihi o vusaho Yesu vhafuni, arali A dzula kha mivhili yanu i faho.” Ni a vhona? Zwoṭhe zwo luga. Vhonani.

¹⁷³ Kha ri dzhiye muñwe muthu a na haya maanda a u hanyisa. Ho vha hu na muthu kale-kale, nga dzina la Inoko. Musi tshithu tshiswa tshi tshi bvelela, musi tshiñwe tshithu tshi tshi bvelela nahone tsha ri, “Zwo luga, zwino ri khou teya u humela murahu kha tshikolo tsha kale, kana *hezwi, hezwo, kana zwiñwe*,” Inoko o tshimbila na Mudzimu. Tshini na tshini tshe Mudzimu a ri ita, Inoko ho ngo ḥahedza na Ipfi na lithihi. O tshimbila na Mudzimu. O vha a mini? O vha a murwa wa Mudzimu. O vha a goni lo vhidzawaho kha tshiła tshifthinga.

¹⁷⁴ Huno musi tshifthinga tshi tshi swika, o vha o dala nga ayo maanda a u hanyisa! Elelwani, o tshimbila miñwaha ya madana mañanu, kana i fliraho, phanda ha Mudzimu, huno na luthihi ho ngo vhuya a ḥahedza Ipfi Ḥawe. Na luthihi ho ngo vhuya a tshilisa zwiñwe-vho ene muñe. Na luthihi ho ngo ralo fhedzi u vhulunga vhuñanzi. Zwoṭhe zwe Mudzimu a mu vhudza uri a ite, o ya nahone a zwi ita. A hu na u ḥaṭa ngazwo, o sokou ya a zwi

ita. Hu si na ndavha uri muñwe muthu u elekanya mini, o ya a zwi ita. Nga mini? O vha o dala maanda a u hanyisa. Huno musi tshifhinga tsho swika tsha uri mukalaha a fe, Mudzimu vha sokou rumela ḥeri nahone a tshimbila a tshi gonya Hayani. O mu hanyisa, huno a dzhiya muvhili wawe u faho a u isa kha u takulelwā ḥaḍulu. Amen. Hayo ndi haṭa maanda a u hanyisa.

¹⁷⁵ Lavhelesani kha Eliya, murahu ha musi mushumo wawe wo fhela kha ḥifhasi. O vha o dala haala maanda a u hanyisa, o haṭula uho u ṭunywa ha mavhudzi a vho Jackie Kennedy nga ḫuvha ḥaw. O vhudza Yesebele zwe a vha a tshi mu dzhiisa zwone. O vhudza avho vhareri na vhotshifhe zwe zwa vha zwi zwone na zwi si zwone, huno vha si mu tende. Fhedzi o haṭula vhasadzi vha poponaho zwifhaṭuwo na zwiñwe, zwo vhfifa nga maanda. Huno o vha o dala nga hayo maanda a u hanyisa u swika hune ho vha hu si na tshithu tshe tsha vha tshi tshi nga mu vhaisa. Mudzimu o mu kanzwa u bva mataḍulu, a mu dzhiya nahone a mu vhetshela thungo. Huno o vha o dala zwavhukuma nga maanda a u hanyisa, tshifhinga tsha u fā tsha swika, Yorodane wa vuleya, huno a sokou tshimbila, a rumela gariki fhasi nahone a mu dzhiya a mu isa Hayani, o dala zwavhukuma nga maanda a u hanyisa. O mbo di vha wa ngoho, murwa wa vhukuma wa Mudzimu. Ee.

¹⁷⁶ Vhonani, o vha na mutevheleli, huno dzina ḥawe lo vha li Elisa. Huno Elisa o vha a na tshipida kavhili, haya maanda a u hanyisa. Ni a vhonan? O vha a na tshipida kavhili tshao. Zwino, o rera lwa miñwaha ya fumalo, kana o vha a na miñwaha i yelaho kha ya fumalo. A mbo di lwala nahone a lovha. Zwino, ho ngo ya Hayani sa Eliya. Ni a vhonan? Vhoṭhe vho fanyisiwa Tshividzon; vhañwe vhakhethwa vho ṭuwa, huno vhañwe vha awela. Fhedzi vhonani musi Eliya o takulelwā n̄tha; zwenezwo Elisa a ya u edela, kha Mudzimu, o dala maanda a u hanyisa. Lavhelesani kha tshiporofito tshawe phanḍa ha musi a tshi fa. Ni a vhonan?

¹⁷⁷ Zwino, ntendeleni ndi ni sumbedze. A thi na ndavha arali no fa, kana heneffo hune na vha hone, hayo maanda a u hanyisa ha ṭuwi. Miñwaha na miñwaha murahu ha lufū lwawe, ḥama yawe yo vha yo no sina, mbungu dza lukanda dzo vha dzo no i la. Fhedzi vho vha vho hwala munna o faho, ḥiñwe ḫuvha, vha mu posa kha hayo marambo, huno ho vha hu na maanda manzhi a u hanyisa heneffo u swika musi uyo muthu a tshi vhuya murahu vhutshiloni hafhu. Haleļuya! A mu vusa vhafuni, ngauri hayo maanda a u hanyisa e a vha a kha mukhethwa wa Mudzimu, ho ngo vhuya a mu ḥiutshela, o dzula heneffo kha hayo marambo.

¹⁷⁸ Oo, elelwani, ri ḥama ya ḥama Yawe, shambo la mashambo Awe, arali ri Muselwa Wawe. Lufu a lu nga thithisi hayo maanda a u hanyisa na luthihi. “Naho mbungu dza lukanda dza tshinyadza uno muvhili, fhedzi ḥamani yanga ndi do vhonan Mudzimu.” Vhugala kha Mudzimu! ḽwa hani zwi... a thi ḫivhi zwine nda amba. Fulufhelo la hani kha mukalaha a ngaho

nne, ndi tshi ḋivha uri ndi khou vhona tshifhinga tshanga tsha vhufhelo phanda hangei hu si kale, miñwaha ya fuṭhanu-rathi.

¹⁷⁹ U bva ndi tshe mutukana muṭuku ndo ima hafha, ndi tshi lingedza u huwelela Hezwi. Fhedzi ndi a ḋivha uri ngomu hanga, a thin a tshavhudzi, a hu na tshe nda ita, fhedzi ngomu hanga ndi haala maanda a u hanyisa; o nkhanyisa liñwe ḫuvha u bva kha zwithu zwa shango, ndi tshe muthu muṭuku, u nngisa kha Vhutshilo Vhu Sa Fheli. Oo, zwithu zwe zwa iteya! Ndo no vhona mabono, nda amba zwithu zwi qaho. Ha athu tendela na tshithihi tshi tshi kundelwa. Ndo no amba nga dziñwe ndimi. Ndo no porofita. Ndo ita hezwo zwithu nga Muya wa Mudzimu une wa dzula kha nne. Hayo ndi maanda a u hanyisa. Ndi a ḋivha uri liñwe ḫuvha . . .

¹⁸⁰ Murengululi wanga u khou tshila zwino. Huno liñwe ḫuvha musi A tshi do da, haya marambo a do vuwa hafhu, u ya u ṭangana Nae tuyani. Ni nga ntswiṭa lwanzheni, na u fhisa, hoṭhe hune na ṭoda. Hayo maanda a u hanyisa ndi a Lini na lini. Whew! Ndi a pfa Paseka zwino. Ee, muñe wanga. Ndo vha nao lwa miñwaha. A ngomu hanga.

¹⁸¹ A ngomu hanu. Arali, inwi, Muya we wa vusa Yesu vhafuni wa dzula kha mivhili yanu i faho, U do ni hanyisa u bva kha zwithu zwa shango, u ya kha Ipfi la Mudzimu fhedzi. U ni hanyisa u bva kha vhuno vhutshilo u ya kha Vhutshilo Vhu Sa Fheli. Vhoinwi vhe na vha no fa tshivhini na kha u pfuka no hanyiswa-ha zwino noṭhe, uri ni dzule Maṭadulu kha Kristo Yesu, ni tshi la kha Mana i bvaho ngei N̄tha, ni tshi vhona tshanda tsha Mudzimu tshi tshi vhonadzwa, tshi tshi sumbedza pfulufhedziso ya liño ḫuvha.

¹⁸² “Vhunga zwo ralo mađuvhani a Noaxe, zwi do ralo kha u vhuya ha Murwa wa muthu. Vho vha vha tshi la, vha tshi ñwa, vha tshi dzea, vha tshi ṭalana. Huno vhunga zwo ralo mađuvhani a Loto, ngauralo zwi do ralo kha awara ine Murwa wa muthu a do dzumbululiwa kha lifhasi,” hu si Murwa wa Mudzimu, na luthihi. “Murwa wa muthu,” a tshi vhuya murahu sa Mulaedza wa tshiporofito kha ḫuvha la u fhedza musi ilo goni li tshi do vha li tshi khou fhufha; hu si ndau; hu si ñamana ya tshikhathi tsha tshiṭhavhelo. Ni a vhona?

¹⁸³ Tshifhinga tshiñwe na tshiñwe, maanda a vhurereli o bva u ya u ṭangana na maanda a połotiki a shango. Musi ndau i tshi takuwa, maanda a vhurereli, a ya u ṭangana na maanda a Roma.

¹⁸⁴ Huno zwenezwo-ha musi ho swika awara ya tshiṭhavhelo, ñamana ya ya, ngauri ndi Livhanda la tshiṭhavhelo la Murena.

¹⁸⁵ Zwenezwo ha bvelela vhavhuyedzedzi, u tsa fhasi na zwikhathi zwa tshivhidzo, ha bvelela tshifhaṭuwo tsha muthu. Huno vhavhuyedzedzi vho vha vha hone u bva kha Luther, Wesley, oo, Calvin, u tsa fhasi, fhasi, tshikhathi tsha Pentekostala.

¹⁸⁶ Fhedzi kha Mulaedza wa u fhedza we wa bva, ha bvelela goni li fhufhaho. Ndi tshifhinga tsha goni, tshifhinga tsha u dzumbulula, Ipfi la Mudzimu lo vhonadziwa, Ipfi la Mudzimu lo sumbedziwa. Oo, vhana, dzenani kha ndovhedzo ya Muya Mukhethwa. Dzenani ngomu nahone ni Zwi tende, nga mbilu yanu yothe, Mudzmu u do ni dadza.

¹⁸⁷ Lavhelesani hafha zwino. Ri wana zwino, elelwani, “Ri nama ya nama Yawe, na rambo la rambo Lawe.” Vhunga Mudzimu who vusa marambo Awe na nama ngei tshaloni, vha nga si dzumbe muthu ane a vha na vhuhanzi. Lufu lu nga si mu dzhiye. Yesu o ri, “Vhothe vhe Khotsi vha Nneya vha do da kha Nne. Ndi do vha vusa nga duvha la u fhedza.” Oo, nne-nne! Paseka! Nga mini, ri kha Paseka. Musi A tshi vuwa, ro vuwa Nae. O rumela thanziela murahu. Ro i fara, sa ndovhedzo ya Muya Mukhethwa. “U ya tshila u ya nga hu sa fheli; ha shanduki mulovha, namusi, na lini na lini.” Vhahevheru 13:8 i a zwi sumbedza. Ha shanduki.

¹⁸⁸ Vhumesia Hawe, vhadodzwa vha a zwi tenda. Mesia ndi mini? Mesia ndi mini? *Mesia* ndi “Mułodzwa.” Huno zwino arali O vha a Mesia, nga u vha Mułodzwa kha liya duvha, uri a vuledze Ipfi la Mudzimu, uri a vhe Murengululi nahone Mułodzwa, huno Mudzimu who vusa uyo muvhili; Muselwa Wawe ndi mułodzwa wa lino duvha. O no ralo u vuwa kale Nae kha mvuwo, ngauri, “Havha vhavhili ndi muthihi.” Amen.

¹⁸⁹ Ndi—ndi tama ndi tshi nga zwi amba nga ndila ine nda zwi vhona. Ndi tama ndi na pfunzo ine ndi nga zwi ita ngayo. Ni a vhona? Ndi—ndi fulufhela uri ni a zwi vhona. Ndi fulufhela u ralo, Mudzimu, Muya Mukhethwa wo tsela fhasi henehfo nahone wa vheya hezwo mbiluni yanu, uri ni vhone zwine nda sumbedzisa.

¹⁹⁰ Mvuwo, ri kha mvuwo zwino. Ro dzula Nae kha mvuwo, havho vha re na Vhutshilo fhedzi.

¹⁹¹ Hu si havho vha si na Vhutshilo. A vha nga Zwi diwhi. A vha nga vhui vha Zwi diwha. Vha do isa phanda na u elekanya uri vha khou wana Muya Mukhethwa, vha khou tshidziwa, huno u Takulelwa nthu hu do vha ho fhela nahone ho pfuka. A ri, “Eliya o no da, huno vha ita nga heyo ndila, huno ni si zwi diwhe.” Ni a vhona?

¹⁹² Vhonani. Lufu a lu imisi maanda a u hanyisa a Mudzimu. Vhonani. Lufu lu nga si a imise.

¹⁹³ Ni ri, “Zwo luga, mme anga vho vha vha musadzi o dadzwaho nga Muya. Baba wanga, a thi athu u vhona muthu o dalaho nga maanda sa baba wanga. Fhedzi vho lovha, Mukomana Branham.” Zwo tou ralo. Hezwo a zwo ngo imisa maanda a u hanyisa.

¹⁹⁴ Mushe o vha a na maanda a u hanyisa. Ni a tenda izwo? [Tshividzo tshi ri, “Amen.”—Mudz.] A hu athu u vha na muthu

a ngaho ene kha lifhasi, u swika kha Yesu. Ngauri ho ngo vhona mabono fhedzi, o amba o livhanya tshifha^luwo na Mudzimu.

¹⁹⁵ Na musadzi a porofitaho, Mariama, o nyadza ipfi lawe liⁿwe d^uvha. A ri, “Naa a u ofhi Mudzimu? Lavhelesa mulanda wanga, Mushe. A hu na muthu shangoni a ngaho ene, ino awara. A hu athu u vha na muthu a ngaho Mushe. Ndi amba na Mushe. O no vhuya a ri mini, tshe tsha vha tshi si ngoho? Ni a vhona? Ndi amba na Mushe. Naa a u ofhi Mudzimu? U so ngo amba tshithu tshi lwaho nae.” Huno na zwenezwo a rwiwa nga mapele nahone—nahone o vha a tshi khou lovha. Ho ngo tshila tshifhinga tshilapfu, u bva zwenezwo. Mushe a mu rabelela.

¹⁹⁶ Huno Mushe a gonya n^htha thavhani, kha miⁿwaha ya dana na fumbili ya vhushumeli, kana miⁿwaha ya fumalo ya vhushumeli; miⁿwaha ya dana na fumbili ya vhutshilo, a gonya n^htha ha thavha nahone a lovha, huno a swi^twa govhani. Fhedzi hayo maanda a u hanyisa o vha a khae. Ho no fhela miⁿwaha ya madana a malo, a bvelela, o ima kha Thavha ya Tshandukiso. Amen. O vha a mini? O vha o katelwa kha mvuwo. Zwo tou ralo, o vha o ralo. O vha a na maanda a u hanyisa a Mudzimu. Khoyo o vha a heneffho, o ima.

¹⁹⁷ Lavhelesani kha Yobo, Abrahamu, Isaka, vhakhethwa nga d^uvha la mvuwo, ala matsheloni mahulu e Yobo na vho^lthe vha divha uri a do swika. Musi, o ri, “Ndi a divha uri Murengululi wanga u a tshila,” miⁿwaha ya madana na madana phanda ha Kristo. Zwo ralo, zwavhudⁱ-vhudi, Bugu ya Yobo yo nwaliwa phanda ha ya Genesi, vha ralo, Bugu ya kalesa kha Bivhili.

¹⁹⁸ Huno kha milingo yawe, huno vhunga ine ra fhira khayo zwino. Huno mufumakadzi wawe, nae-vho, tshithu tsha tsinisa nae kha lifhasi, a ri, “A si khwi^ñe u tshi sema Mudzimu nahone wa fa lufu?”

¹⁹⁹ A ri, “Iwe u amba sa musadzi wa tsilu. Murena vho neya, Murena vho dzhiya, kha hu rendwe Dzina la Murena.”

²⁰⁰ Huno zwenezwo musi Muya wa Mudzimu u tshi da khae, huno a thoma u porofita, a ri, “Ndi a divha uri Murengululi wanga u ya tshila, huno maduvhani a u fhedza U do ima kha lino lifhasi. Naho mbungu dla lukanda dla tshinyadza uno muvhili, fhedzi namani yanga ndi do vhona Mudzimu.” Huno a lugisa fhethu ha u diswi^tela hone. A ri, “Ri do renga haya mavu.” A renga heneffho nahone a diswi^ta ene mu^ñe.

²⁰¹ Ho no fhela tshifhinga, ha bvelela munna a vhidzwaho Abrahamu. Tshividzo tshi khou aliwa, tshi khou gonyela n^htha. Abrahamu, zwo luga, zwino, o vha a na vhuazni ha Mudzimu, nae-vho, Vhutshilo ha tsho^lthe, Vhu Sa Pheli, ngauri Mudzimu vho mu vhidza. Zwino vhonani. Musi a tshi fa, kana Sara a tshi fa, a renga tshipida tsha mavu ngei Palestine, tsini na tshalo tsha Yobo, huno a swi^ta Sara. Abrahamu a fa nae-vho a swi^twa na Sara. Abrahamu o beba—beba Isaka.

²⁰² Huno Isaka, musi a tshi fa, a edela na Abrahamu, kha tshipiда tshi fanaho tsha mavu. Zwino, musi, Isaka o beba Yakobo . . .

²⁰³ Yakobo o lovha, phasi ngei Egipita. Fhedzi nga u vha muporofita, zwino, na hovhu vhutazni vhutuku, haya maanda a u hanyisa, a ri, “Ni so ngo ntswiा phasi hafha, Yosefa. Idę hafha, murwa wanga wa muporofita. Vheya tshanda tshau kha khundu hedzi dze Mudzimu a holefhadza. Ana nga Mudzimu wa Tadulu uri a u nga ntswiă phasi hafha.” Ho vha hu na mini kha uyó muthu? Ndi ngani Egipita ho vha hu si ha vhudi sa huñwe fhethu? O vha a muporofita. O ɖivha he iyo mvuwo ya vha i tshi khou ya u iteya hone. Yo vha i sa khou ya u vha Egipita; yo vha i tshi khou ya u vha Palestine. A ri, “Vheya zwanda zwau kha khundu dzanga dzo holefhalaho, huno u ane nga Mudzimu we nda shumela. U murwa wanga wa muporofita, uri, a u nga swiă marambo anga phasi hafha. Ntakulele ngei nahone u ntswię.”

²⁰⁴ Yosefa, nga u vha muporofita, nae-vho, a vheya zwanda zwawe kha baba wawe vho holefhalaho. A ri, “Ndi a ana nga Mudzimu wa Abrahamu, Isaka, wa Yakobo, a thi nga u swiă fhano.” Vha mu dzhiya nahone vha mu swiă nthę ngei shangoni. Nga mini? Nga mini?

²⁰⁵ Musi Yosefa a tshi fa, o ri, “Ni so ngo ntswiă phasi hafha. Ni so ngo ntswiă phasi hafha.” Nga mini? Mudzimu ndi Mudzimu hothe-hothe, fhedzi U na ndivho. Yosefa o vha a muporofita. A ri, “Lińwe ɖuvha,” thetshelesani, maipfi awe, “Murena Mudzimu vha ḥo dal . . . vha ḥo ni dalela, nahone vha ḥo ni bvisa kha lino shango. Huno musi ni tshi ɬuwa, ni dzhiye marambo anga.”

²⁰⁶ Haala maanda a u hanyisa o vha a kha marambo. Oo! “Arali Muya wa Uyo o vusaho Kristo vhafuni, wa dzula kha inwi, U ḥo vusa na mivhili yanu i faho.”

²⁰⁷ “Ni so ngo vheya marambo anga phasi hafha. A swięeni nthę hafho na a avho vha pfulufhedziso.”

²⁰⁸ Musi Yesu a tshi da, hafha, ndi na Lunwalo hafha, Mateo 27:51. Musi Yesu a tshi vuwa vhafuni, Yobo o zwi vhona zwi tshi da, a ri, “Ndi a ɖivha Murengululi wanga u ya tshila. Maduvhani a u fhedza, Ú ḥo ima kha lino ɬifhasi. Naho mbungu dza lukanda dza tshinyadza uno muvhili, fhedzi ɬamani yanga ndi do vhona Mudzimu. Ndi ḥo Mu vhona.” Vho zwi ɖivha. Hoyo o vha a muporofita. Abrahamu o vha a muporofita. Isaka o vha a muporofita. Yakobo o vha a muporofita. Yosefa o vha a muporofita. Huno vho vha vha na dzumbululo ya Mudzimu, u ya nga Ipfı Lawe. Huno nga ala matsheloni a Paseka, musi Ula a tshi bvelela nahone a rengulula vhothe avho vho tendaho Khae, vho vuwa, navho-vho, u ya nga Bivhili.

²⁰⁹ Haala maanda a u hanyisa o da kha tshalo tsha Yobo, he ha vha hu si na na buse li dadzaho lebula la marambo awe lo salaho. Murahu ha iyo ya madana, na madana, na madana a miňwaha,

marambo awe o sina. O—o humela murahu, huno o shanduka u vha geze ya lifhasi hafhu, huno buse lītuku lo vha lo ededzwa heneho. Fhedzi, naho, musi maanda a u hanyisa a tshi ralo, u ya nga Ipfi la Mudzimu, kha pfulufhedziso, mađana na madana, ee, ho no fhela miñwaha ya zwigidi, musi hayo maanda a u hanyiswa a tshi bviswa tshaloni; Yobo, Abrahamu, Isaka, Ŷakobo, vhothe, vho bva tshaloni Nae.

²¹⁰ Bivhili yo ralo. Mateo Mukhethwa, ndima ya 27 na ndimana ya 51, i ri, “Vhunzhi ha vhakhethwa vhe vha edela buseni la lifhasi, vho vuwa nahone vha bva zwaloni Nae, musi A tshi vuwa nga matsheloni a Paseka.” Nga mini? Vho vha vha na vhučanzi. Vho vha vha na hayo maanda a u hanyisa, ni a vhone, huno vha vuwa vhafuni, huno vha tuwa Nae kha mvuwo. Vha diphina nga mvuwo Nae, ngauri vho vha vho dala hayo maanda a u hanyisa. Vho vha na pfundo la vhukuma la Paseka.

“Zwo luga,” ni ri, “Ndi tama ndo tshila murahu ngei kha Testamente ya Kale.”

²¹¹ Imaninyana. Kha ya u Thoma ya Vhathesal-... Vhathesalonika, ndima ya 4, ndimana ya 16, ndi khou ḥoda ni tshi vhala izwo. “Ni so ngo nyadza, vharathu, nga ha avho vho edelaho, uri ni so ngo tūngufhala, na kha vhañwe vha si na fulufhelo. Ngauri arali ri tshi tenda uri Yesu o fa, nahone a vuwa nga duvha la vhuraru,” hu si u tenda lwa muhoyo, fhedzi ri a zwi tenda, “zwo ralo na avho vho edelaho Khae Mudzimu u do vha vusa Nae.”

²¹² Vhakhethwa vha Testamente Ntswa na maanda a u hanyisa, vha do vuwa, navho-vho, kha u Vhuya Hawe ha vhuvhili; sa vhakhethwa vha Testamente ya Kale na aña maanda othe a u hanyisa kha marambo avho, huno u shandukiswa na maanda, na zwiñwe zwinzhi, zwe zwa sumbedzwa nga Mudzimu. Vhaporofita vhe Ipfi la Mudzimu la da khavho, vho vuwa Nae nga matsheloni a mvuwo; huno na pfulufhedziso ya Mudzimu uri vhothe vha re kha Kristo Yesu vha do vuwa Nae kha mvuwo Yawe, maanda a u hanyisa a Mudzimu a kha marambo avho.

²¹³ Ngazwo-ha, ri tshi vheya zwanda kha vhalwadze. Ngazwo-ha, ri tshi funana. Ri vharathu na dzikhaldzi. A ri teyi u vhengana ngauri ro khakhuluswa nga Ipfi la Mudzimu. Ri teya u funana, nahone ra ḥonifhana. Ni a ḥivha, arali na sa ralo, a zwi nga ni thusi.

²¹⁴ Hu na muñuku o dzulaho hafha, ane, fhasi ha tshino tshivhidzo zwino. Mađuvha mañuku o fhiraho... Hoyo muthu u ya tenda. Mutukana muhulanenyana u na pfuko kha ndevhe yawe, huno a sa ambe tshithu ngazwo. O vha a tshi khou shuma n̄tha hafho nduni. Ndo zwima nae, n̄tha ngei na vharathu vha Moseley, na Mukomana Dawson hafha. Ro vha n̄tha ngei ri tshi khou zwima, murwa wa Mukomana William. Huno nda mangala

ndo lavhelesa kha ndevhe yawe, huno nda vhona ndevhe yawe yo zwimba. Nda ri, "Thaidzo ndi mini, Donavon, nga heyo ndevhe?"

²¹⁵ A ri, "Mukomana Branham, ndi kale zwo ralo. A thi qivhi."

²¹⁶ Nda tou—nda tou mu gavha nga tshanda heneffho. Heyo yo vha i pfuko khulwane ndevheni yawe. Nda si ambe na ipfi na lithihi; nda sokou i fara, huno nda elekanya, "Murathu wanga!" Nga quvha kana mavhili murahu ha izwo, ho vha hu si na na vhadzi lo salaho. Ho vha hu ḥthonifho yawe kha Mudzimu wa Taḍulu, nga maanda Awe a u hanyisa, a vhulaya iyo pfuko nahone a ponyisa vhutshilo ha Donavan Weerts murahu afho. Izwo ndi zwone.

²¹⁷ Izwi zwithu ndi mini? Lavhelesani hafha, vhathu hafha Phoenix. Lavhelesani kha vhoiñwi vhathu no tendaho kha hezwi. Lavhelesani kha vhathu vha na hezwi, vhane vha vheya zwanda kha inwi. Lavhelesani zwine zwa iteya. Ndi maanda a u hanyisa. "Hezwi zwiga zwi do tevhela avho vhane vha tenda." Arali vha vheya zwanda zwavho kha vhalwadze, hayo maanda a u hanyisa, goni kha goni, tshiñwe tshithu tshi khou ya u iteya. Zwino, goni kha funguvhu, a zwi nga shumi. Goni kha goni, la takuwa tshitumbani, la ya Maṭaḍulu. "Hezwi zwiga zwi do tevhela avho vhane vha tenda," musi vhothe vha kha vhutendi.

²¹⁸ Ni a vhona ayo maanda mathihi a Mudzimu a u hanyisa a tshi imelelwa kha avha vhaporofita vhavhili, Eliya na Elisa. Vhonani, ipfi lithihi; munwe wavho o *gavhelwa n̄tha*, munwe a *takulelwa n̄tha*. U *gavhelwa n̄tha* na u *takulelwa n̄tha*. Ni a vhona? O takulelwa n̄tha. Ri do gavhelwa n̄tha; ra farana navho, ra ṭangana navho muyani. "Takulelwani n̄tha uri ni ṭangane navho muyani."

²¹⁹ Vhonani, tshiñoni tshi teya u vha na phapha mbili, uri tshi ditike. Izwo ndi zwone? [Tshivhidzo tshi ri, "Amen."—Mudz.] Eliya o vha a phapha ya u shandukisa, Eliya. Elisa o vha a phapha ya mvuwo. Ni a vhona? Vhothe, nga tshavho, vha fanyisa vhakhethwa vhane vha khou tshila na vhakhethwa vho ṭuwaho.

²²⁰ Elelwani, u hanyiselwa u vhona zwo fhiraho, maxaradeni. Avha vhathu vho vha vho hanyiswa hani murahu ngei uri vha vhone seli ha xarađeni nahone vha vhone fhasi kha tshino tshifhinga; havho vhaporofita!

²²¹ Lavhelesani kha Paulo, o amba uri mađuvhani a u fhedza havha vhathu vha do vha nga ndila-de, vha tshila na u divhidza Vhakriste. O vha a muporofita, o dala maanda a u hanyisa, o zwi vhona zwi tshi bvelela. Ri a tenda izwo. Naa a ri ralo? [Tshivhidzo tshi ri, "Amen."—Mudz.] O ṭanganedza maanda a u hanyisa.

²²² Lavhelesani kha maanda a u hanyisa namusi, a tshi amba zwithu zwi ḫaho, hu si na tshi no khou ṭahela. Na luthihi a zwi vhuyi zwa kundelwa. Maanda a u hanyisa; hu si maanda a muthu; maand a Mudzimu. Maanda, ḥhanziela ya Paseka, Yesu o

vuwaho we a rumela t̄hanziela murahu, uri khwaṭhisēda uri ro no hanyiswa Nae.

²²³ Vhonani. Ni a elelwa Bugu ḥukhu, Vhanna vha Vhubindudzi hafha, *U Lavhelesa Seli Ha Xaradeni La Tshifhinga?* Nda thoma u aluwa, ndi tshi ḫivha uri mađuvha anga a khou fhungudzeya. Ndi a vha . . .

²²⁴ Ndi a tamba hetshi tshipiqa tshituku tshire havho vhafumakadzi vho imba hu si kale. Ndo lupfa u yela kha ya fumimalo, kana miñwaha ya fumbili. *Ndi Khou Ṭoda U Zwi Dzudzanya, Murena.* Huno nda bvela nn̄da hafho nahone nda ya u rabela, zwenezwo hayo maanda a u hanyisa a bvelela. Ndo awela. Nda lavhelesa n̄tha Afho. Nda ri, “Lavhelesani ngei seli.”

²²⁵ Ndi a elelwa aña matsheloni, musi ndo hwaliwa u ya seli. Huno mufumakadzi wanga, o dzula murahu afho, o edela kha mmbete muthihi na n̄ne aña matsheloni. Nda vuwa, huno nda lavhelesa n̄tha. Huno o vha a heneffo, o edela. Nda ri, “Arali ndi tshi khou ya u itela Murena tshinwe tshithu, ndi khwiñe ni tshi tavhanya, mutukana. No no fhirisa fuṭhanu.” Zwenezwo Muya Mukhethwa wa nkhwalela kule, huno nda lavhelesa Heneffo. Nda vhona avho vhakhethwa, zwi na vhuṭanzi sa musi ndo ima tsini na ino ṭafula hafha, na heyi Bugu khethwa yo dzula heneffha, na vhashumeli vha Mafhungo madifha.

²²⁶ Ndo no vhuya nda ni vhudze tshithu na tshithihi nga Dzina la Murena fhedzi tshe tsha iteya? Arali no ralo, ndi khou ṭoda ni tshi mmbudza nga hazwo. Tshifhinga tshoṭhe, zwo vha zwavhudisa, kha pułatifomo? Tshifhinga tshoṭhe, naa zwo iteya vhunga O amba? [Tshihidzo tshi ri, “Amen.”—Mudz.] Haya o vha a ARALO MA AMBA MURENA.

²²⁷ Nda ima heneffo, nda lavhelesa kha itsho tshifhinga. Nda vhona vha zwigidi zwi na fumi na zwi na fumi vha tshi da, vhanna vhaswa na vhasadzi, vha tshi gidima, vha tshi nkuvhatedza, vha tshi khou huwelela. Nda lavhelesa murahu nahone nda ḫivhona ndo edela kha mmbete. “O Murena, ntendele ndi lavhelese seli ha xarađeni la tshifhinga.”

²²⁸ Ndi mini? Ndi maanda a u hanyisa ane a ḫo ri takulela kule. Aña maanda mahulu a u hanyisa. Maanda a u hanyisa o ḫa kha ano mađuvhani a u fhedza.

²²⁹ Hezwo ndi zwone zwo nnyitaho uri ndi de Arizona, zwa zwino. Hu na vhatu vhanzhi vho dzulaho heneffo, vho ima heneffha Phoenix, huno vha mpfa ndi tshi ni vhudza u bva kha ino pułatifomo, “ARALO MA AMBA MURENA.” Ndi vhangana vho no zwi humbula? “Zwino tshimbilani. Tshinwe tshithu tshi khou ṭoda u iteya.”

²³⁰ Ndo vhona Vharuňwa vha sumbe vha tshi bvelela. Naa magazini wa *Vhutshilo* a u ngo zwi hwala, musi gole Lazwo ḫo papamala u mona na afha, vhulapfu ha maela dza fumbili-sumbe, na vhuphara ha maela dza furaru? A si Fred Sothmann,

havha vhañwe, Gene Norman, avho, vho dzulaho murahu afho? Vho ima heneffo musi Vharuñwa vha sumbe vha tshi vhonala heneffo tshikwarani. Zwa dzinginyisa zwikwara, lwa dzimaela u mona, vhunga zwenezwo. Afho ha ima Vharuñwa vha sumbe. Huno vha posa banga tshandani tshanu, vha ri, "Tshimbila hayani nahone u vule haya Mapfundo À Sumbe o netshedzwaho." Huno kheya heneffa, tshiphiri tsha ngoho tsha mbingano na ɏhalano, na mbeu ya Ɋnowa, na hezwi zwithu zweñothe zwe ñañiwaho ngazwo. Ndi ARALÔ MA AMBA MURENA.

²³¹ Ndi mini? Maanda a u hanyisa a khou da kha Tshivhidzo, a khou Tshi lugisela, heyi awara ine ra khou ya khayo. Maanda a u hanyisa!

O Mudzimu, ri thuse u Zwi ḥanganedza. Ri thuse u Zwi tenda.

²³² Ni a vhona, zwi bva kha nyito ine na isa Khazwo, hu si na ndavha uri kana Zwi khou ya u ni thusa, kana hai, zwe ɏiralo. Ni a vhona? Ni teya u Zwi tenda. A ni Zwi tendi, a Zwi nga ni thusi.

²³³ Samuele wa kale o ima hani phanda ha avho vhathu afho, huno a ri, "Naa ndo no vhuya nda ni vhûdza tshiñwe tshithu nga Dzina la Murena fhadzi tshe tsha iteya? Naa ndo no vhuya nda ni humbelia tshelede yañu, uri ndi tshire ngayo?"

"Hai, fhedzi ri khou ḥoda khosi, naho zwe ralo."

²³⁴ Heyo ndi yone ndila ine tshivhidzo tsha vha ngayo Ɋamusi. Vha khou ḥoda kupfesesele kwavho. A vha nga ni thetshellesi. Vha tou mona-mona. Zwe luga, zwi tou ya u sumbedza, uri a hu na maanda a u hanyisa.

²³⁵ "Oo," ni ri, "Zwe luga, ndo amba nga ndimi. Ndo thamuwa nahone nda tzhema." Hezwo zweñothe zwe luga.

²³⁶ Fhedzi arali hayo maanda a u hanyisa a hone hafho, ni do limuwa. Vhunga kula kugoni; uri avho ndi mme akwo. Helo ndi Ipfi. Hayo ndi ARALÔ MA AMBA MURENA. Hezwo ndi zwe Mudzimu a fulufhedsisa. Hezwo ndi zwe zwa dzula zwe ambiwa. Hezwo ndi zwone zwe iteyaho kokotolo. Ri seli ha u timatima, zwi khagala ri kha mvuwo zwino, vhakhethwa vha khou lugela u takulelwa n̄tha muyani.

²³⁷ Ngauralo, Yesu, a ñala nga vhukuma nga haya maanda a u hanyisa, a ri, "Arali na nga thutha ino thembele; ye ya ni dzhia miñwaha ya fuiña, no elekanya, u fhañ; Ndi do i vusa nga mađuvha mararu."

²³⁸ Ndi ngani? Ndi nga mini Yesu a tshi nga amba izwo? Ndi khou ḥoda u ni vhudzisa. Ndi nga mini Yesu a tshi nga amba zwithu zwe raloho? O ɏivha Uri ho vha hu Ene. Amen. Ndi elekanya uri ndi nga ita uri hezwo zwi dzhene. O ɏivha uri Ndi Ene nnyi. O zwi ɏivha izwo, Ipfi lîñwe na lîñwe, Mudzimu o ñwala ngomu afho nga Hae, O li vuledza. O zwi ɏivha uri Ho vha hu Ene we Davita a amba ngae.

²³⁹ Naa ni a zwi ḋivha uri ndi inwi vhe Bivhili ya amba ngavho? [Tshivhidzo tshi ri, “Amen.”—Mudz.] Naa ni a ḋivha vhuimo hanu kha Kristo? Arali ni kha Kristo, ni tshivhumbiwa tshiswa. Naa ni a ḋivha uri ili Ipfi li nga vhutshilo ha ḋuvha linwe na linwe, kha inwi? Nga mini, two tou ralo. Ndi lanu. Ni tou vha goni. Hezwo ndi zwiliwa zwaṇu.

²⁴⁰ Izwo O zwi ḋivha, nga maanda a Mudzimu, U do zwi ita, ngauri two vha two porofitiwa uri U do zwi ita. Heyo ndi yone mbuno O vha a sa ofhi uri, “Thuthani ino thembele. Ndi do i vusa nga maduvha mararu, ngauri Davita o ri, ‘A thi nga litshi maya Wawe vhudzulavhafu, na u tendela Ene Mukhethwa Wanga a tshi vhona u sina A thi nga zwi iti.’” Ho ngo zwi ḋivha uri na tsinga na nthihi ya muvhili wawe i do sina. Huno u sina nga awara dza fusumbe-mbili. O ri, “Thuthani ino thembele. Ndi do i vusa hafhu, nga ayo maduvha mararu.” Nga mini? O vha o dala zwavhukuma nga ayo maanda a u hanyisa o hanyisaho Ipfi linwe na linwe. O lavhelesa murahu nahone a vhona Ipfi linwe na linwe la Mudzimu lo nwala nga Ene, huno muporofita o ri U do li vuledza. O zwi ḋivha uri hezwo zwi do vuledzeya, nazwo-vho.

²⁴¹ Zwino, Ipfi linwe na linwe le Mudzimu a amba, maya wanu wo ri “amen” Khalo, Lo vuledzwa vhutshiloni hanu, sa mutendi?

²⁴² Naa ni a farelela murahu kha tshiñwe tshithu, ni ri, “Zwo luga, tshivhidzo tshanga tshi funza zwo fhambanaho”? Zwenezwo londolani, liangā.

²⁴³ Vhonani. Magoni a ya tenda. A hu na mbudziso, khavho. Vha a Zwi tenda. Vhonani.

²⁴⁴ Zwino, O zwi ḋivha uri zwi do iteya ngauri Ipfi lo amba uri Zwo ralo. Huno Ipfi linwe na linwe lo nwaliwaho nga Hae li teya u vuledzeya. O zwi ḋivha uri Zwo nwaliwa nga maanda a Mudzimu, nga vhaporofita vhakhethwa vho porofitaho uri U do ita nga u ralo.

²⁴⁵ Huno tshiporofito a tshi kundelwi. Tshi nga si ralo. Ipfi la Mudzimu li nga si kundelwe. Huno two nwaliwa kha... naga Muya une... Huno zwino, nazwo-vho, Muya wo vusaho Yesu vhafuni, arali Wa dzula kha muthu wanu, muvhili waṇu, U do hanyisa-vho na muvhili waṇu u faho. Zwenezwo, u thuntsheni, u fhiseni, itani tshiñwe na tshiñwe tshine na ṭoda, swaswani ngawo, u kherukanyeni, o landuleni, itani zwine na ṭoda. Mudzimu vha do u vusa, ngauri Vho ri Vha do zwi ita. Huno mukhethwa muñwe na muñwe wa Mudzimu u na iyo pfulufhedziso khae, u ya ḋivha uri izwo ndi Ngoho. Ngauralo, ni so ngo ofha, murathu, ro no vha kha Paseka kale.

²⁴⁶ Lavhelesani kha tshandukiso, phanda ha musi ri tshi vala. U shandukisa, tshandukiso, rothe ro katelwa kha tshandukiso. Lavhelesani zwine ra khou vhona ñamusi. Dzhielani nzhele zwine ra khou vhona ñamusi, maanda a u hanyisa a Mudzimu.

Rothe ro vha ri heneffo. Ho vha hu na vhakhethwa vho faho, vho imélelwa kha Mushe; ho vha hu na mvuwo; huno Yesu Kristo o newa vhugala. Elisa . . . Mushe, Eliya, na Yesu, vhothe vho ima thavhani; vhakhethwa vho faho, vhakhethwa vho takulelwaho nt̄ha; na Yesu o newa vhugala. Oo, n̄ne-nne!

²⁴⁷ Zwo luga, ni ri . . . ndo pfa muthannga a tshi ralo. Vha dō ri, "Vhoinwi vhathe, ndi ngani, arali ni na holwu lushaka lwa maanda, no fanelwa nga u ya nn̄da nahone na vhudza vhathe zwine ni nga ita." Kha zwi vhe kulē na Mukriste, u amba zwithu zwo raloho. Ni a vhona? Zwo tou ralo, a ri divhidzi vha maanda. Kha . . .

²⁴⁸ Fhedzi ri ita tshithu tshithihi. Musi vha tshi lavhelesa u mona, na haya maanda othe khavho, "Vha vhona Yesu fhedzi." Huno wa vhukuma, mutendi wa ngoho ha na ndavha uri kana u khou tikedza dinomineisheni, kana zwi sa ri tshithu nga hazwo. U ḥoda tshithu tshithihi fhedzi, uri inwi ni vhone ula Kristo o newaho vhugala, zwi ita phambano iñwe na iñwe. Tsha vhukuma, tshenzhemeo tsha ngoho tsha Thavha ya Tshandukiso tshi n̄eya vhugala Yesu Kristo fhedzi. A tsho ngo n̄eya vhugala Mushe, a tsho ngo n̄eya vhugala Eliya, a tsho ita uri vha di fhe vhugala, a tsho ngo n̄eya vhugala tshiñwe tshithu-vho, fhedzi vho vhona Kristo o newa vhugala. Huno mutendi muñwe na muñwe wa ngoho, hezwo ndi zwine zwa vha mbiluni yawe, u n̄eya vhugala Yesu Kristo. Hezwo ndi zwine a khou lingedza u ita uri vhathe vha zwi vhone.

²⁴⁹ Hu si u ri, "Zwo luga, arali na da na vha murado wa zwigwada zwashu, arali na da na ita hezwi kana na ita izwo." Oo, ni so ngo ita izwo. Ni so ngo ita izwo.

²⁵⁰ U vhona Ipfi la Mudzimu, līne la vha Kristo, a tshi huliswa; nahone a tshi vuledza pfulufhedziso ya lino ḫuvha, kha ino awara khulu ya mvuwo. Vhonani. Huno zwa vha n̄eya dakalo, u dihva uri ri Nae, n̄ama ya n̄ama Yawe, na shambo la mashambo Awe. Dakalo-de nandi! Hetsho ndi tshone tshithu tshi tshothe tshine mutendi wa vhukuma a vha na ndavha natsho.

²⁵¹ A vha na ndavha na dinomineisheni. A vha na ndavha na tshiimiswa. A vha na ndavha ni zwine vhañwe vhasadzi vha elekanya. A vha na ndavha nazwo. Na luthihi. A vha nga iti hezwi zwithu zwine . . . zwine havha vhañwe vhasadzi vha ita. Vha . . . Havha vhanna a vha iti hezwo zwithu. A vha nga kwambateli nahone vha tshela u mona na zwiñwe zwiimiswa, u itela uri vha si pandelwe, na u ofha uri a vha nga fhiwi thikhithi ya zwiliwa. A vha na ndavha na hezwo zwithu. Ndi tshika khavho.

²⁵² Hu na tshithu tshithihi fhedzi tshine mbilu ya tama, hetsho ndi, u vhona Yesu Kristo a tshi newa vhugala. Vhudifari havho hu teya u vha na Mudzimu. Hu teya u ralo kokotolo, a hu na tshiñwe tshithu-vho, fhedzi vhugala ha Yesu Kristo. Huno Yesu ndi mini? Ipfi. Izwo ndi zwone? [Tshivhidzo tshi ri,

“Amen.”—Mudz.] Zwino, vhonani, huno ni tshi vhona kuitele Kwawe kuthihi ku sa shanduki, a tshi sumbedza mvuwo Yawe. Zwino ndi mini? Ni tshi vhona vhutshilo hanu, nga Ipfi Lawe lo fulufhedziswaho le A amba, “Ha shanduki mulovha, ɿamusi, na lini na lini,” li tshi sumbedza uri U kha di tshila.

²⁵³ A thi na ndavha arali nda valelwa muñango muñwe na muñwe shangoni. Hezwo, ndi... Vhunga ndo amba, ndo vha ndi na fúthanu-rathi, liñwe ñuvha. Ndi nga bviselwa kule. Ndi kha tshikhathi tsha vhulwadze ha mbilu. Ndi kha zwothe izwi zwiñwe zwikhathi, na zwiñwe zwothe. Zwo luga, phambano ndi mini? A zwo ngo nnyitela phambano musi ndi muñuku. A zwi nnyiteli phambano zwino, uri ndi ifhio awara ine ñomboro yanga ya vhidzezelwa, nahone garaña yanga ya bva nda ha khada. A thi na ndavha arali vha sa ñivha uri ndo vhuya nda tshila kha lífhasi. A zwi iti phambano. A vha teyi u vha na zwifanyiso zwiñhulu na zwifhañó zwiñhulu zwa u amba uri ndo vha ndi kha lífhasi.

²⁵⁴ Tshithu tshithihi fhedzi tshire nda khou ñoda vha tshi tshi ñivha, ndi u ñivha uri “Yesu Kristo ha shanduki mulovha, ɿamusi, na lini na lini.” Huno mbiluni yanga ndo fara ñhanziela Yawe. Huno ndi a ñivha uri liñwe ñuvha... Naho zwo ralo, ndi nga ñwela khothe ñwanzheni. Ndi nga vhulawa Afurika. A thi ñivhi uri hu do iteya mini kha nñe. Fhedzi tshithu tshithihi tshire nda tshi ñivha ndi uri, ndo fara ñhanziela. Haleluya! Muñango muñwe na muñwe u nga valiwa. Hezwo a zwi iti phambano kha nñe. A thi khou lingedza u ɿeya vhugala vhañwe vhathu kana tshiñwe tshiimiswa, na nñe muñe zwazwo, kana tshiñwe tsha zwigwada, kana tshiñwe tshithu-vho. Ndi khou ñoda vhathu vha tshi vhona uri Yesu Kristo o vuswa vhafuni, nahone Muya Wawe u ya tshila. “Ha shanduki mulovha, ɿamusi, na lini na lini.”

²⁵⁵ Ngazwo, Yesu o ri, “Ni so ngo ofha. Ndi Nñe we a vha o fa, fhedzi Ndi a tshila u ya nga hu sa fheli.”

²⁵⁶ “Ngauri zwino ro rengululwa Ngae, nahone ro vuwa Nae, huno zwino ro ralo (hu si ri ri do ralo) u dzula Mañadulu Khae.” Zwino, musi ri na hoyu Muya ngomu hashu, ñhanziela, zwi sumbedza uri u timatima hothe ho bviswa. Ndi mini? Kristo u ya tshila. Hu si Ndi a tshila; hu si nñe. “Kristo u tshila ngomu hanga.” Hu si ni a tshila, fhedzi Kristo u tshila kha inwi; ngauri Ipfi Lawe li tshilaho li tshila ngomu hanu, zwi tshi sumbedza uri zwothe u ñivhudza ha Methodisi yanu, na Baphuthisi, na kuhumbulele kwa Pentekostała, na zwiñwe zwothe, zwo bviswa. Huno Yesu Kristo...

²⁵⁷ Vhunga Thavhani ya Tshandukiso, vhaporofita vhothe na zwiñwe zwothe zwo vuledzeya. Mañuvha othe a Luñere, Methodisi, Phuresibatherieni, vhothe vha kha zwone, fhedzi, “Hoyu ndi Murwa Wanga ane nda mu funa. Mu pfeni,” Ipfi la ino awara, awara ya Mapfundo. Musi, zwiphiri zwothe zwo vhuya murahu, zwo dzumbamaho iyi miñwaha yothe, huno izwo

zwo... Iyo phiramidi khulu ya tshifhinga yo bviswa, tombo la tshiuludza, lo zwi ita uri zwi dzhene fhasi uri Naledzi ya Davita i dzule fhethu Hayo. Huno Tshivhidzo tshihulu tsha Mudzimu a tshilaho tshi vuswe sa phapha dza goni, tshi hwalelwe ngei Vhugalan. Ee.

²⁵⁸ Ngomu zwino, ngomu zwino, ngomu ha mivhili yashu: na u amba nga ndimi ntswa; na u porofita, na u vhona zwi daho; u vheya zwanda kha vhalwadze, huno vha fhola; shango, lo fa, na zwithu zwe the zwa shango. Ro fhira kha lufu ro ya kha Vhutshilo, huno zwino ro fara maanda. Haleluya!

Nga ayo matsheloni a mvuwo,
Musi mapfundo a lufu a tshi do pfunululwa,
Ri do vuwa, (Haleluya!) ri do vuwa. (Amen!)

²⁵⁹ A hu na vhodiabolo vho edanaho heleni kha uri thivhela u zwi ita. Ro vha ro tiwa nga Mudzimu u itela ino awara. Ipfi la Mudzimu li divhonadza Lone line nga kha rine. Huno ri tshila kha Vuhone ha Mudzimu, nga Ipfi la pfulufhedziso ya Mudzimu. A hu na diabolo heleni ane a nga ri thivhela u vuwa. A hu na munango une a nga u vala phanda hanga, nga ayo matsheloni. Mapfundo o pfunululwa. Haleluya!

²⁶⁰ Ndo vhofholowa. Ndi goni. A thi tsheho tshitumbani, fhedzi ndo vhofholowa. Ndo vuwa vhafuni, u ya kha Vhutshilo vhuswa ha Yesu Kristo. Hu si nne fhedzi, fhedzi munna muñwe na muñwe, vhasadzi, mutukana kana musidzana o dzulaho afha, o dadzelwaho kha uyo Muya wa Mudzimu, ndi tshivhumbwa tshiswa kha Kristo. Huno ni goni.

²⁶¹ Ri a tshila, namusi, huno ri diphina nga mvuwo lwa tshothe. Ngauri U ya tshila, ri a tshila, na rine-vho. Huno U khou tshila kha rine, U khou ri ita uri ri tshire. Huno Muya we wa Mu vusa vhafuni, u tshi dzula kha mivhili yashu, u do hanyisa mivhili yashu i faho, nga iyo Paseka ya Lini na lini. Vhugala kha Mudzimu!

²⁶² Oo, dzhiyani shango, dzhiyani tshini na tshini tshine na töda, fhedzi mpheni Yesu. Amen. Ndi a Mu funa. U shango löthe, kha nne.

²⁶³ Huno ngauri ni tshipida Tshawe, ndi tshipida tshañu, huno ni tshipida tshanga. Huno, nga tshashu, ri tshipida Tshawe.

²⁶⁴ Oo, Mukriste, tshikhala-de nandi tshine ra vha natsho! Ri na zwikhala zwe Paulo Mukhethwa a si lore u vha nazwo. Ri na zwikhala zwe Inoko, na Eliya, na avho vhothe vha si vhe nazwo, zwikhala zwine ra vha nazwo zwino.

²⁶⁵ Huno hu na nngu ḫukhu nthihi nnda ngei huñwe fhethu, nahone Ha nga fusheyi u swika iyo i tshi dzhena dangani. Nga thuso ya Mudzimu, na nga bono, na ARALO MA AMBA MURENA, ndi khou humela seli ha lwanzhe. Nngu ya u fhedza i nga vha ntswu phasi ngei, u ya nga hune nda divha, hune a vha

vhuyi vha elekanya uri vha na maya. Fhedzi Mudzimu u ya divha phambano. Ndi khou ya u zwima u swika ḋuvha la vhutshilo hanga la u fhedza, u wana iyo, heneffo hune ya vha hone.

²⁶⁶ Ndi a kholwa a thi athu u khukhula muñwe wa vharathu vhanga nga u amba hezwi zwithu. Ndi...Hu si a thi ṭoda ni tshi ya tshivhidzoni. Zwo ralo, ndi khou ni ṭoda ni tshi ya tshivhidzoni. Ni ye tshivhidzoni heneffo hune na khou ya. Fhedzi ni so ngo tendela hezwo zwi tshi vha fulufhelo lanu, ni ri, "Zwo luga, ndi wela kha *hezwi*, kana ndi wela kha *hezwo*." Oo, murathu, khaladzi, welani kha Kristo. Iyani tshivhidzoni, fhedzi welani kha Kristo. Amen.

²⁶⁷ Tendelani iyo—tendelani iyo khwathisedzo, arali hezwo zwi si ho kha inwi, zwi ni hanyise zwino uri ni ye Vhutshiloni. A si khwiñe ni tshi Zwi ḥanganedza zwino?

²⁶⁸ Holwu lufhera lwo ḍala Ngazwo. Ndi a Zwi pfa hoṭhe u mona na nne. Ndi a divha uri Zwi fhano, maanda a Mudzimu, Muvhoni muhulu wa mabono, Muambi wa zwi ḍaho ane a kona u amba zwithu nahone zwi sa kundelwe, Ene muhulu ane a kona u amba nahone hu sa vhe na muthu ane a nga ri ndi "hai," Muthu a nga vula nahone hu sa vhe na muthu ane a nga vala. Uyo we a vha o fa zwino u ya tshila, na u tshila, ḥamus, fhano Phoenix, a tshi tshimbila vhukati ha maluvha maswa o bebwaho.

²⁶⁹ Ngazwo zwo ralo, nga matsheloni a Paseka miłodzinyana yo rotha ya ḥwando we wa vha wo dzula kha shama la dzuvha nahone na maluvha oṭhe. Nga mini? Yo zwi divha uri yo bviswa mavuni, huno huiwe fhethu hu na maluvha a Lini na lini a fhufhumaho. A ḫo dzhiya vhuimo hao linwe ḋuvha. Hezwo ndi zwone.

²⁷⁰ Ngazwo zwo ralo, miłodzi ya dakalo i nga ela na mashama ashu. Ngazwo zwo ralo, mbilu dzashu dzi takanyela na u dzinginyeya musi ri tshi kona u pfa maanda a u shandukisa a fanaho a tshi ḫa matshiloni ashu nahone a tshi ri ḫadza, na uri tendela ra amba nga luambo lu bvaho Tađulu.

²⁷¹ Ro hanyiswa nga maanda nt̄ha ngei Vhuhoneni Hawe, tshiporofito, u vhonela phanda, u amba zwiḍaho, na zwithu zwoṭhe zwi khou tshimbila na Ipfi. Arali zwi tshi khou porofita zwo fhambanaho na Izwo, ni so ngo zwi tenda. Fhedzi arali zwi tshi tendelana na Ipfi, Zwo dzula zwo amba uri, ARALO MA AMBA MURENA.

²⁷² "Ni so ngo ofha. Ndi Nne we a vha o fa, huno ndi a tshila u ya nga hu sa fhel." Helo ndi pfundo la Mudzimu la Paseka line la pfun̄ela ledere linwe na linwe la heli Ipfi mbiluni yanu. Pfundo ndi mini? "Ni luñwalo lo ḥwaliwaho, lu vhaliwaho nga muthu muñwe na muñwe." Ni a zwi divha. Fhedzi musi Mudzimu vho ni ṭoda murahu, U ni pfun̄ela na pfundo la Paseka, uri no vuwa na Kristo, nahone ni tshivhumbiwa tshiswa.

²⁷³ Arali ni sa athu u pfuñelwa ano matsheloni, itani nga u ralo musi ri tshi kotamisa thoho dzashu.

²⁷⁴ [Murathu u thoma u amba nga dziñwe ndimi. A hu na tshithu kha theiphi—Mudz.] . . . Murena. Ni a pfa izwo? [Tshivhidzo tshi ri, “Amen.”]

²⁷⁵ Elekanyani zwino, thoho dzañu dzo kotamiswa. Vharoma 8:11, “Arali zwo ralo uri Muya we wa vusa Kristo vhafuni u kha inwi, U do hanyisa-vho mivhili yanu i faho.”

²⁷⁶ Ri nga lavhelesa kha mini, vhathe? Ho sala mini? Lavhelesani kha Formosa na shango loþhe. Huno zwithavhane zwa athomo na zwiñwe zweþhe zwe lugela u rwa shango, huno li tou vha na mazhuluzhulu, na u ofha, na u huwelela. Huno heyi miswaswo ya litangwa i kati, nn̄da hafho, hu khou sokou ambiwa tshaka dzoþhe dza miswaswo, sa mutukana muþuku a tshi khou fhira mavhidani, a tshilidza muludzi vhusiku, a tshi lingedza u ita uri vhathe vha tende uri zweþhe zwe luga. Ni so ngo fhurwa. U Vhuya ha Murena hu tsini.

²⁷⁷ No zwi vhona, liñwe duvha, murei wa khovhe o bvelela nahone a mmbudza, ndo dzula phasi ngei kha gombame, line, huiwe fhethu hu hwasaho kana tshiñwe tshithu-vho phasi hafho. Huno uri hani, musi, phanda ha musi uyo mudzinginyo u tshi dzinginyisa ngei Greece, khovhe dzoþhe dzi laho u yela kha itsho tshifhinga tsha matsheloni, a dzo ngo la. Ho vha hu mini? Dzo vha dzi siho phasi. Lwa vhuvhili zwi tshi iteya, zwithu zwithihi zwa iteya. Yo zwi ðivha zwenezwo uri tshiñwe tshithu tshi khou ya u iteya. Idzo khovhe dzo vha dzi sa khou la nga itsho tshifhinga.

²⁷⁸ Huno zwiñoni zwa lwanzheni zweþhe na zwithu zwi laho khovhe, zwa litsha u la. Nga ayo matsheloni-tsheloni, ndi musi zwi tshi la. Dza sokou dzula khunzikhunzini, dza tutshela kule na luwa na zwiñwe. Ngauri, nga miniti i si gathi, muri wa matomboni a lwanzhe wo mbo thoma u mela kha lifhasi, u bva kha vhudziki ha lwanzhe. Ni a vhona? Idzo khovhe dzo zwi ðivha zwi sa athu u iteya.

²⁷⁹ Ndi tshi khou ya ngei India, ndo vhalalbammbiri, la ri, “Mudzinginyo u teya u vha wo fhela.” Lu na maðuvha, zwiñoni zwiþuku a zwo ngo vhuya murahu kha zwiþaha zwazwo matomboni. Kholomo dzo vha dzi nga si ime u mona na vhulalo phasi ha . . . murunzini, vhukati ha mufhiso wa duvha. Nngu dza ima nn̄da vhukati ha midavhi, dzo gogodelana. A dzo ngo ya nt̄ha tsini na ayo matombo, mavhili kana maðuvha mararu phanda ha musi mudzinginyo u tshi iteya.

²⁸⁰ Ndi ngani? Hedzo nngu dzo zwi ðivha. Dzo zwi ðivha uri tshiñwe tshithu tsho vha tshi khou ya u iteya. Hezwo zwiñoni zwo ðivha uri tshiñwe tshithu tsho vha tshi khou ya u iteya. Hezwo zwiñoni zwa lwanzheni zwo ðivha uri tshiñwe tshithu tsho vha tshi khou ya u iteya. Hedzo khovhe dzo zwi ðivha uri

tshiñwe tshithi tsho vha tshi khou ya u iteya. Ndi Mudzimu muthihi we a ranga phanda hedzo phukha uri dici dzhene gungwani.

²⁸¹ Naa a ni vhoni, vhathu vho dadzwaho nga Muya, tshiñwe tshithi tshi khou ṭoda u iteya? Ni so ngo lavhelesana na *tshiñwe-tshithi* tshihulu tsha linnda lothe tshi tshi bvelela; a hu na tshithi fhedzi u Vhuya ha Murena Yesu. Elelwani, itanu elelwa Maipfi na pfufuhedziso ya Murena.

²⁸² A si khwiñe na da nga tshihadu? Tutshelani kule na mbondo khulu. Mvuwo i tsini zwino. Arali hu na muñwe muthu hafha a sa ñivhi uri vha do ya kha mvuwo, nahone vha si na vhuñanziuri vha na maanda a mvuwo a re khavho!

²⁸³ Naho mbungu dza lukanda dza u tshinyadza, naho bomo ya athomo ya thuthuba vhukati hanu, i nga si vhuye ya tshinyadza ayo a u hanyisa, maanda a mvuwo. Hai, hai. Khaladzi, mukomana, dzina lanu la vhuñdi li kha Bugu ya Ngwana ya Vhutshilo ngei nthia. A hu na muthu ane a nga li phumula. A hu na zwithu zwo edanaho u li phumula, shangoni, u phumula dzina lanu kha Bugu Ngei hune Malofha Awe o li rengulula.

²⁸⁴ Arali ni si na vhuñanzi ha hezwo, ni so ngo ralo—ni so ngo zwi litsha zwino. Ni a vhona? Ni nga dzhiya mulingo wa u gidima kha tivha huñwe fhethu na si vhulawe, fhedzi a ni khou ya u gidima kha heli tivha. Hai, hai. Ni khou ya u zwi wana. A ni nga teyi u ralo. Hu na tshedza tshitswuku tshi penyaho zwino. Litshani, litshani kuhumbulele kwañu, litshani zwithu zwa shango.

²⁸⁵ Idani. Tendani ri vuswe rothe kha tshino tshifhinga tsha vhudi tsha Paseka, u pembela huhulu ha Paseka. Naa ni nga i pembelela mbiluni yanu ino vhege? Arali ni nga si ralo, naa ni nga ralo u imisela tshanda tshañu kha Mudzimu?

²⁸⁶ I rani, “Mudzimu, a thi na vhuñanzi nazwo. A thi ñivhi uri ndi nga ita izwi zweþhe kana hai. Naa Vha nga ralo u nthusa? Ndi khou ya u imisa tshanda tshanga u itela Vhone, Murena. Kha vha nthuse.” Mudzimu vha ni fhañtshedze. Mudzimu vha ni fhañtshedze. Hezwo ndi zwavhudu. “Ndi—ndi—ndi khou Vha ṭoda, Murena. Kha vha nthuse. Ndi—ndi khou ṭoda—ndi khou ṭoda u vuswa. Ndi—ndi khou ṭoda u ralo. Ndi khou ṭoda u vha na vhuñanzi zwino. Ndi khou ṭoda u ñivha uri ndi zwone. Ndi khou ṭoda u ñivha uri ndi zwone, Murena. Ndi a ñivha, ndi nga si ite phos- . . .” A ni ṭodi u ita phoswo zwi tshi swika. A zwi nga do vha . . . a zwi nga do vha no no lengesa. Zwino ndi ñuvha. Nñe-nñe! Zwino ndi ñuvha. Ni so ngo lindela.

²⁸⁷ A si kale, ndo vha ndi tshi khou rera. Ho vha hu na mukalahwa mukhaladi we a bvelela murahu afho nga murahu ha tshifhaþ, a þangana na nñe. A ri, u ri, “Mufunzi, ndi khou ṭoda u u vhudza. Ndi ri iwe u kha zwone.” A ri, “Ndo no vhudza Murena, tshifhinga tsho fhiraho, ndi khou ṭoda thikhithi yanga

tshandani tshanga nga ayo matsheloni. Ndi khou ṭoda u divha uri yo swaiwa zwone.” A ri, “Hu ḍo vha na khakhathi khulu fhasi afho mulamboni.” A ri, “Ndi—ndi—ndi khou tsela fhasi, kha wonoyo mulambo.” A ri, “A—a thi ṭodi khakhathi heneffho. Ndi khou ṭoda u zwi lugisa n̄tha heneffha.” Izwo ndi zwone.

²⁸⁸ Ni na visa yanu? Arali ni si na visa yanu... Ni nga vha na phasipoto, fhedzi, arali ni si na visa yanu, ni nga si dzhene kha ilo Shango. Ni a divha izwo. Na no lugisa zwithu zwanu zwoṭhe? Arali zwi so ngo ralo, zwino ndi tshifhinga tsha u zwi ita.

²⁸⁹ Ni so ngo ofha, arali ni tshi khou tshenuwa zwiṭuku. Zwino, hu na zwanda zwi yelaho kha qana zwo imiselwaho n̄tha. Ngauralo arali no tshenuwa zwiṭuku, zwino zwi dzudzanyeni.

²⁹⁰ Zwino, ndi a zwi divha uri ri na ndila dzo fhambanaho. Vhanwe vhanna vha ri, “Idani ngeno n̄tha, ntendeleni ndi ni khade.” Vhanwe vha ri, “Idani ngeno n̄tha, gwadamani kha aleṭare.” Zwino, idzo dzo luga. A thi na na ipfi na lithihi la u lwa nazwo, na luthihi, na tshithu na tshithihi, tshini na tshini tshine vha ḍo amba.

²⁹¹ Fhedzi i rani ndi ni vhudze ndila yanga. “Vhanzhi vho tendaho, vhanzhi...” U da kha aleṭare a zwi nga ni iti uri ni tende. U khaḍana zwanda na mushumeli a zwi nga ni iti uri ni tende. Fhedzi arali no vhidziwa nga Mudzimu, nahone ni goni, na u rangani hazwo, u huwelela zwi a ni vhudza. Ni ḍo ralo u tenda. Arali ni tshi zwi tenda zwavhukuma, ndi khou ya u rabela na inwi.

²⁹² Naa ni nga ralo u limuwa ukwo kugoni ku sa tsha dzula kha itsho tshitumba? Hai, hai. Huh-uh. Hai. Ni so ngo tsha dzula hafha, khonani. Kha ri—kha ri takutshele n̄tha zwino. Tshilidzi tsha Mudzimu tshi fhano uri tshi zwi vuledze.

²⁹³ Khotsi a Taḍulu, ri a zwi limuwa uri ri khou tsela fhasi tsini na awara ya u vala. A ri na tshifhinga tshilapfu ri fhano zwino. Hu si sa zwikhathi zwashu, fhedzi nga tshifhinga. Ri a tenda uri hu na vhathe vhatku vhanzhi vho dzulaho hafha, vhanne vha ḍo vha vha tshi khou tshila musi hezwi zwi tshi iteya. Zwi nga iteya na n̄amusi. A ri divhi miniti na awara. Fhedzi, Murena, Wo ri vhudza, “Musi ni tshi vhona hezwi zwithu zwi tshi iteya,” huno ndi kale zwi tshi khou iteya.

²⁹⁴ Ri a zwi divha uri ro fhedza, u ya nga vhorasaintsi. Ya rathi, minwaha ya sumbe yo fhiraho, ro vha ri kha miniti miraru u ya vhusiku-kati. A ri divhi uri itsho ndi tshifhinga tshingafhani, tshi khou rwa tshi tshi ya phanda, fhedzi ri a divha uri ri tsini heneffho.

²⁹⁵ O Mudzimu, u vha na ilo fulufhelo: u vhona uri mbilu dzashu dzi khwaṭhisēdza pfulufhēdziso iñwe na iñwe ya Mudzimu nga “amen,” u vhona uri Muya Wone une, we wa ḍa kha riñe, wo hanyisa vhuriñe hashu.

²⁹⁶ Mudzimu, tendela vharathu vhanga vha zwi vhone, ano matsheloni. Tendela vharathu vhanga vha zwi vhone, uri uyo Muya u dzhena ngomu nahone wa hanyisa Ipfi. Tendela khaladzi dzanga dzi vhone zwithu zwithihi, Murena. Huno zwenezwo, arali vha vhona tshiñwe tshithu tshire a tshi vha tendeli vha tshi hanyiselwa kha ilo Ipfi, O Mudzimu, ngavhe vha tshi tshi bvisa nga tshihadu. Zwi tendele, Khotsi. Zwothe zwi zwandani Zwavho zwino. Ndi ya zwi divha uri ndo kundelwa kha zwithu zwinzhi, huno ndi isa phanda na u kundelwa, fhedzi, Murena, ndo ita zweithe zwine nda divha uri ndi teya u ita. Zwino zwi zwandani Zwavho. Ndi Vhau. Nga Dzina la Yesu, vha tanganedze, Khotsi.

²⁹⁷ Zwino kha inwi ni re fhano nahone ni na thoqeya ya phodzo ya muvhili wanu. Hu na vhatendi vhanganu afha? Imisani tshanda tshanu. “Ndi mutendi, u ya nga hune nda divha mbilu yanga.” Ndi vhagana vho dzhiyaho? Ni a divha, hu si na na u timatima, uri mibiluni yanu, zwino, no vuswa vhafuni? Ni a divha? Oo, nne-nne! Hu nga iteya mini kha muqangano u nga ho uyu? Ndi a zwi divha uri ndo no lenga, fhedzi hu nga iteya mini zwino? Itanu elekanya zwine zwa nga iteya. Khwaqhiszedzo yo dzula nga ngomu hanu. Ni a vhona? Inwi, no imisa tshanda tshanu, no dzhiya zwi ngaho—zwi ngaho muano, kha Mudzimu, uri, “Ndi a divha uri tshiñwe tshithu tsho iteya kha nne. Ndi nga vha ndi si ho hune nda teya u vha hone.”

²⁹⁸ Naa nne a tho ngo ralo. Hai, mune wanga. Ndi kulesa na hune nda teya u vha hone. Fhedzi ndi divha hetshi tshithu tshithihi, ndo pfuka u bva lufuni u ya Vhutshiloni. Ndi a divha uri tshiñwe tshithu tsho iteya kha nne. Minzhi... Hu si sa mukalaha zwino, fhedzi minzhi, minwaha minzhi yo fhiraho, zwo iteya.

²⁹⁹ Huno ndi a divha, liya duvha musi ndi tshi dzhena vhuongeloni, musi ndi tshi vha na mulingo wanga muhulu. Ndo vhona mufumakadzi wanga a tshi lovha; nne ndi tshi vhidzelela vhushtilo hawe. “Huno ndo ita mini fhedzi u ima khuqani ya tshiqtaraqani nahone nda rera, na u rabelela vhalwadze?”

Huno zwenezwo Saqane a ri, “Zwo luga, Ha nga fhinduli thabelo yau.”

³⁰⁰ Nda mu vhona a tshi lovha, fhedzi ndi a divha uri ngomu hawe ho vha hu na maanda a mvuwo. Hayo marambo a do vuwa hafhu.

³⁰¹ Ndo vhona lushie lwanga luquku heneffo. Huno nda vheya tshanda tshanga khalwo, nda ri, “Mudzimu, u so ngo lu dzhiya.”

³⁰² Zwa vhonala vhunga o tsitsela xaraqeni fhasi, a ri, “A thi tsha do dovha nda u pfa.”

³⁰³ Saqane a ri, “Khezwo heneffo. Ipfi lithihi fhedzi...” O vha a tshi divha khwiñe kha u mmbudza uri a hu na Mudzimu, ngauri izwo ndi a zwi divha. Fhedzi o ri Ha mpfuni, Ha na ndavha na nne. Ni a vhona? Mbuno inwe na inwe, a ri, “U kha di tou

vha muthu muṭuku, fhedzi ndi na miñwaha ya fumbili. Afho ho edela mufumakadzi wau o edela heneffo kha mutshara. Huno afha ndi lushie lwau lu khou ya heneffo. Huno—huno hu... Wo ri O vha a Mufhodzi muhulu, nahone U zwothe *hezwi*. Huno, lavhelesa, U ita mini? Ipfi lithihi, Ha teyi na u li amba, u tou lavhelesa fhasi hafho nahone a ralo. A sokou dzungudza thoho Yawe, ndi zwenezwo fhedzi zwine zwa do iteya, huno zwi lu do fhola. Fhedzi, ni a vhona, Ha u funi. Ha na ndavha na iwe. U khou tendela lushie lwau lu tshi fa heneffo zwino, nahone u khou landula na u pfa thabelo yau kha ino awara ya swiswi.”

³⁰⁴ Zwothe zwe a amba zwe vha zwi ngoho kokotolo. “Ngauralo wo ita mini? Wo shuma ḫuvha lothe, u swika hune wa kundelwa na u ima. Huno zwenezwo wo dzula vhusiku hothe, u swika nga iri ya vhufumimbili na ya u thoma nthā ha tshithoma. Wo ima dzikhudani dza tshiṭaraṭa, u tshi rera. U tshi kwamana na vhuongelo. Wa sokou da wa dzula fhasi, tshidulo, wa dzula heneffo nahone wa edela lwa awara kana mbili, huno wa dovha wa humela murahu mushumoni. Vhusiku vhu tevhelaho, zwithu zwithihi. Huno khezwi u fhano, u yela kha fumbili-nthihi, kha miñwaha ya fumbili-mbili. Khonani dzothe, mufumakadzi muñwe na muñwe muṭuku, muthu muṭuku muñwe na muñwe we wa vhuya wa dibadekanya nae, o u vhidza mpengo. Wo ita mini? U khou diita tsilu iwe muñe. Naa a u zwi vhone?” Ndo vha ndi tsini kha u tendelana nae.

³⁰⁵ Huno Tshiñwe tshithu fhasi ngomu hanga, hetsho ho vha hu ayo maanda a u hanyisa. Nda ri “Murena vho neya, nahone Murena vho dzhiya. Kha hu rendwe Dzina la Murena.”

Musi fulufhelo langa lothe li tshi fhela,
Zwenezwo ndi Ene fulufhelo langa nahone
vhudzulo hanga.

Ngauri kha Kristo, ene...

[A hu na tshithu kha theiphi—Mudz.]...
muṭavha u mbondomelaho.

Oo, U ḫo da na mubvumo,
Zwenezwo ngavhe zwenezwo ndi tshi vha ndi
ngomu—ngomu Khae ndi wanale,
Ndo putekanywa nga nguvho dza u luga Hawe.

³⁰⁶ Hu si nga nñe muñe; a thi na na huthihi. Hanga ho tshikafhala, madzadza a tshika. Ndi nga vhenga u ya Ṭađulu nga u rera hanga. Ndi vhenga u lingedza u ya Ṭađulu nga mabono anga. Ndi khou ya Ṭađulu ngauri ndo fara tshilidzi Tshawe mibiluni yanga. Tshilidzi Tshawe, ndi ngazwo ndi tshi khou ya. Ri isa zwenezwo.

³⁰⁷ Oo, khonani, ni tshipida tsha hoyu Muvhili. Ni vhana vha Mudzimu vhaṭuku. Zwino, ndi khou amba hezwi u itela u fhaṭa fulufhelo lanu. Arali na wana...

³⁰⁸ Arali nda wana thikhedzo kha inwi, ndo ni vhudza Ngoho. . . Huno zwe nda ni vhudza, ndi—ndi maambiwa nga muporofita, wa miñwaha yo fhiraho. Ndi sa khou diita muporofita Wawe. Hai, muñe wanga. Fhedzi ndi khou ni vhudza Ngoho. Naa O no vhuya a amba tshithu fhedzi tshe tsha vha tshi tshone? Ndo ni divha zwino lwa miñwaha ya fumbili-mini, fhano Phoenix, u bva tsha ulwo luimbo, *Ndi Khou Toða U Zwi Dzudzanya Nae*, ngei kha tshivhidzo tsha Mukomana Outlaw, ndi a tenda tsho vha tshi tshenetsho, na Mukomana Garcia. Naa ndo no vhuya nda ni vhudza tshiñwe tshithu nga Dzina la Murena fhedzi zwe zwa iteya?

³⁰⁹ Elelwani, hu na fulufhelo lithihi fhedzi. Wanani haya maanda a u hanyisa. A ðo ni fara. Musi zwiñwe zwithu zwoþhe zwo þuwa, A ðo ni fara.

³¹⁰ Vhanwe vhavho vho ri, “Wo fara zwa vhurereli hau, Mukomana Branham?”

Nda ri, “Hai. Ho fara nne.”

³¹¹ Hu a mpfara. A thi vhu fari. A si uri kana ndi a farelela, kana hai. Ndi uri U ya farelela, kana hai. Ndi ene ane a farelela kha nne.

³¹² O vha a so ngo teya u ralo. Vharuñwa vho vha vho vheiwa kha muri muñwe na muñwe, a ri, “Itou bvisa miñwe yau. Itou sumba; a u teyi u i bvisa kha tshifhambano. Itou sumba nga muñwe wau, huno u lavhelese uri mini.” Ni a vhona, tshigwada tsha u goda. Fhedzi arali O vha o ita hezwo, ndo vha ndi sa do vha na hovhu vhuñanzi ñamusi; no vha ni sa ðo vha naho. Fhedzi ngauri O dzula kha tshifhambano, A farelela heneffho, ndi ngazwo ndi tshi farelela Nae.

Kha Kristo, Tombo lo omaho, ndi a ima;
Miñwe midavhi ndi miþavha i mbondomelaho.

³¹³ Zwino, arali ni tshi khou lwala, ndi khwiñe ni tshi vheyana zwanda zwanu. Kha ri rabele. Itanu vheya zwanda zwanu kha muñwe muthu tsini hañu. Hu si na ndavha uri ho khakheya mini kha inwi, ivhani na lutendo zwino. Arali ndo vhuya nda ni vhudza Ngoho, ndi a ni vhudza zwino. Ni a vhona? Yesu o ri, “Hezwi zwiga zwi ðo tevhela havho vhane vha tenda.” Huno ni vhatendi, itanu imisa zwanda zwanu. Ni so ngo timatima. Hu na muñwe muthu a tungufhadzaho o no khou tambula ane no vheya zwanda zwanu khae. Muñwe muthu o vheya zwanda zwawe kha inwi.

³¹⁴ Elelwani haala maanda a u hanyisa, haala maanda o vusaho Yesu vhafuni. Zwino ni na lutendo kha zwine na vha nazwo kha wañu—kha muvhili wañu. Zwi khou ya u thusa hoyo muthu ane no vheya zwanda zwanu khae. “Arali A dzula kha inwi, A ðo hanyisa mivhili yañu i faho.”

³¹⁵ Mudzimu vha funeaho, vhunga ndi tshi ima fhano ano matsheloni, tsini na tshifhinga tsha madekwana, musi hu tsini na heyi awara ya ḋuvha line Yesu a huwelela, “Mudzimu Wangā, Mudzimu Wangā, ndi nga mini Wo Ntutshela? Ndi na ḋora.” Ngazwo zwe ralo, muporofita o zwi vhonela phanḍa, huno a ri, “Marambo Anga othe, vho Dzwondolola. Vho runga zwanda Zwanga na milenzhe Yanga.” “Fhedzi O vhaliwa na vhavhi. Fhedzi O rungelwa vhuvhi hashu. O didelwa vhutshinyi hashu. Thamu ya mulalo washu yo vha i Khae, huno nga ntho Dzawe ro fhola.” Ri vhila zwenezwo, ano matsheloni, Mudzimu. Ri vhila zwenezwo.

³¹⁶ Nga matsheloni a ino mvuwo, vhonani, heyi Ngoho yo kwaṭhisēdzwaho ye nda i amba, Murena, u bva kha Ipfi Lavho, Vhuhoneni ha Mudzimu. Ndi Muhaṭuli, huno ri džitanzi dza uri O ri rengulula. Huno ngomu hashu hu dzula, nga tshilidzi tsha Mudzimu, maandā a u vuwa. Huno khonani dzashu dici khou lwala, havha vhane zwanda zwe vheiwā khavho.

³¹⁷ O Mudzimu, ri linga diabolo, vhukati ha lutendo lwashu ano matsheloni, na zwanda zwe vheiwā kha vhatu, huno nne na zwanda zwanga zwe phaḍaladzelwa vhatumi. Tendela vhulwadze vhuṇwe na vhuṇwe, ḫupho linwe na linwe line la lingedza u fareledza vhatu, vhuhoneni ha ino Ngoho yo khwaṭhisēdzwaho, zwi bve. Nga Dzina la Yesu Kristo, ngavhe havha vhatu vha tshi vhofholowa namusi. Hezwo, Bivhili, Maipfi a Mudzimu washu a ri, “Arali vha vheya zwanda zwavho kha vhalwadze, vha do fhola.” Huno zwanda zwashu zwi n̄tha myani, kha Vhone, Mudzimu.

³¹⁸ Vhunga tshimela tshiṇwe na tshiṇwe tsha lifhasi tshi tshi n̄wa kha tshisima Tshavho, huno sa vhunga itsho tshimela, tshine tsha tombodza, tsha n̄wa kha tshisima Tshavho, tshi tshi thoma u takuwa. Tshi thoma u mela. Taṭa la vhele, luvha, tshini na tshini tshine tsha khou n̄wa kha tshisima Tshavho, tshi alutshela n̄tha tsho sedza ha Vhone.

³¹⁹ Huno ano matsheloni, ro aluwa, zwiṭukunyana, Murena. Ri a kona u swikelela n̄tha. Ri khou n̄wa kha tshisima Tshavho. Ri zwivhumbwa Zwavho, na maandā a mvuwo ngomu hashu, Murena. Huno ri rabela uri Vha pfe thabelo dzashu u itela vharathu vhashu na dzikhaldzi. Huno ngavhe ḫupho linwe na linwe, line la khou thivhela havha vhatu vha funeaho hafha uri vha dzhiye haya maandā, Murena, vha vhofholole, uri vha kone u shumela Mudzimu. Huno zwi do luga, Murena. Nga Dzina la Yesu Kristo. Amen.

³²⁰ Ni a Mu tenda? [Tshividzo tshi ri, “Amen.”—Mudz.] U ḫutshela zwithu zwe raliho? Ni nga zwi ita hani? Ni teya u sokou ralo, zwi vhonala zwe ralo, itanu qikokodzela kule. Ni dipfa nga iyo ndila? [“Amen.”] ndi—ndi—ndi... Hu nga vha hu tshi tou vha nne, uri ndi... Fhedzi ndi na tshipfi, tshipfi tshi

so ngo doweleyaho musi ndi tshi da vhukati ha vhathe, hune na dzula nothe sa hezwi. Ndi a divha, huñwe fhethu, hu sa vhonali hafha; u fana na radio, thelevishini, tshini na tshini tshine tshi nga vha tshone, tshi khou fhira kha luno lufhera; Kristo u kha luno lufhera. Itanu elekanya, Murengululi washu! Tony, U fhano. Amen.

³²¹ Huno ndi nnyi ane a nga takala nga maanda u fhira vhathe vho qadzwaho, na thanziela ya Bivhili ya Ipfi linwe na linwe li vhonadzwaho la Mudzimu, u vhona na kha Vharuñwa na Vhuene Hawe, vhunga vho vha nazwo kha—kha zwikhathi! Huno fhano, Maipfi a vhavhoni, o amba zwi qahoh nahone zwa iteya kokotolo. Huno ri fhano kha madautsha a u Vhuya Hawe. Oo, tshifhinga tsha vhudi hani nandi!

³²² Ri do Mu vhona. Linwe la haya maduvha, U do vha a fhano. U swika A tshi ralo u da, ni do ralo u nthabelela? [Tshivhidzo tshi ri, “Amen.”—Mudz.] Ndi na matungu a ofhisaho phanqa hanga. Ndi a zwi divha. Ni a vhona? Huno ndi a tangana na vha sa tendi vhane vha nga ni thuntsha, u tou fana na u nwa madi, huno na vha no badelwa. Ni da vhuimoni havho, vhodiabolo vhane vha do ni linga nga Bivhili, zwo leluwa. Fhedzi a thi athu u vhuya nda vhona tshifhinga fhedzi tshe Mudzimu washu vha kunda gundo. Ndi ya Dzinani Lawe, nga Dzina la Murena Yesu Kristo, fulufhelo la Vhutshilo Vhu Sa Pheli, mvuwo na Vhutshilo. “Uyo ane a tshila a tshi tenda kha Nne, naho o vha o fa fhedzi u do tshila. Huno nnyi na nnyi ane a tshila nahone a tshi tenda kha Nne ha nga lovhi.” Ndi tenda izwo sa Ipfi la Lini na lini la Mudzimu. Naa ni a tenda zwithihi? [“Amen.”] Naa ni do ralo u nthabelela? [“Amen.”] Ndi do ni rabelela. Ngavhe Mudzimu vha tshi ri lavhelesa u swika ri tshi tangana hafhu.

³²³ Zwino kha ri ime nga milenzhe yashu, lwa tshikhalanyana. (Ni na zwine na khou tqoda u amba?)

Kha ri kotamise thoho dzashu.

³²⁴ A zwi nga vhi zwavhuđi kha riñe arali ra sa imba holwu luimbo luñuku, naa zwi do ralo? Elelwani luimbo lwashu, *Ndi A Mu Funa*, naa izwo zwi kha mbilu inwe na inwe? Kha ri luimbe. Khaladzi, a funeyaho, naa ni do ralo. . . ndi khou tqoda u ralo, ndi takakela u lidza hañu, naho-vho, khaladzi. Zwothe zwe luga.

Ndi a Mu funa, ndi a Mu funa
Ngauri O ranga u mpfuna
Huno a badela u tshidzwa hanga
Kha muri wa Khañivari.

Zwino ri khou ya u shandukisa luimbo.

Lutendo lwanga lu lavhelesa kha Iwe,
Iwe Ngwana ya Khañivari,

Mutshidzi mukhethwa;
 Zwino mpfe musi ndi tshi rabela,
 Oo, ṭusa milandu yanga yoṭhe,
 Oo, ntendele u bva kha ḥino ḫuvha
 Ndi vhe Wau o fhelelaho!

³²⁵ Naa izwo zwi a ita tshinwe tshithu kha inwi? Ndi vhangana vhane vha tama izwo nga mbilu yoṭhe...ndi—ndi—ndi takalela nyimbo dza mihuvho. Zwo tou ralo, ndi a ralo. Fhedzi musi ni kha muya wa u losha, naa a ni funi idzo nyimbo dza kale? Ndi a tenda Muya Mukhethwa wo tshimbila kha Eddie Perronet na avho vho ḫwalaho idzo nyimbo dzavhudzi dza kale. Naa a ni ralo u tenda izwo? Fanny Crosby, musi a tshi ḫwala.

U so ngo mphira, nne-nne, Iwe Mutshidzi wa vhudi,
 Ipfa tshililo tshanga tsho ḫukufhalaho;
 Musi kha vhaṇwe Iwe u tshi kha di vhidzelela,
 U so ngo mphira.
 Iwe u Tshisima tsha khuthadzo yanga yoṭhe,
 U fhira vhutshilo kha nne,
 Ndi na nnyi kha ḫifhasi nga nn̄da ha Iwe?
 Kana nnyi Ṭaḍulu fhedzi Iwe?

³²⁶ Naa izwo a si zwavhudzi? Hezwo zwi ri ita uri ri takalele u imba *Ndi A Mu Funa*. Naa a zwi ralo? [Tshivhidzo tshi ri, “Amen.”—Mudz.] Zwino, musi ri tshi imba zwino, *Ndi A Mu Funa*, kha ri... Ri a funana. Arali ri sa funani, zwenezwo ri nga si Mu fune. Zwino kha ri khadane zwanda. Itanu ima, huno ni swikelele kha ṭafula huṇwe fhethu, khaḍanani zwanda, nga tshanu.

Ndi...[Mukomana Branham u bva tsini
 na khudzaipfi nahone a amba na muṇwe
 muthu—Mudz.]...?...
 Huno a badela u tshidzwa hanga
 Kha muri wa Khalivari.

Kha ri kotamise thoho dzashu zwino.

³²⁷ Ndi khou ya u humbela Mukomana Williams, Mukomana Williams muṭuku, uri a de hafha lwa tshikhkalanyana. Ndi khou ya u mu humbela arali a tshi nga balanganya vhathetshesi nga thabelo.

³²⁸ Mukomana Williams ndi a mu funa, Mukriste muṭuku, ndi a elekanya uri ndi mulanda wa ngoho wa Kristo, muṭa wawe muṭuku. Ndi na vhuledzani vhunzhi na havha. Huno havho vhatukana vha vhudi vha Moseley nahone vhoṭhe, ro vha roṭhe, huno na vhunzhi ha khonani dzanga dici funeyaho hafha Phoenix, vhane nda vha funa nga mbilu yanga yoṭhe. Ndi elekanya, ala matsheloni kha ḥiya bono, O ri, “Vhoṭhe vhe wa vhuya wa vha funa, na vhoṭhe vhe vha u funa, Mudzimu vho u neya vhone.”

³²⁹ Ndi a tenda muñwe muthu hafha u khou rembuluwa kha tshivhi tshawe, fhasi kha fuloro, mufumakadzi muñku u khou lila.

Kha ri kotamise ḥoho dzashu lwa tshikhala u itela ene.

³³⁰ Mudzimu vha funeaho, naa iyo ndi ila nngu ḥukhu ye ya vha yo siiwa afha Phoenix? A thi divhi, Mudzimu. U ya divha. Fhedzi, liñwe duvha, zwi do ralo. Fhedzi, Khotsi, hezwi, a hu na u timatima, ndi zwiniñe. Ngauralo ndi a rabela uri U mu thuse, zwino. Vula khoro zwa vhudi, u ri, “Ida, ñwana Wanga. Ida u bva kha u neta, ndila i kondaho. Wo goba-goba swiswini. Ndi a bva, ñamusi, u dzhiya iwe. Ndi Muya Wanga une wa khou amba na iwe na u ni dzenisa dangani zwino.” Zwi tendele, Mudzimu. Ngavhe hoyu musadzi muñku... a tshi tou vha mafhandeni a vhutshilo hafha. “Uyo ane a do pfa Maipfi Anga, huno a tenda kha Hoyo o Nthumaho, u na Vhutshilo tshothe.” Zwi tendele, Mudzimu a funeaho, kha hoyu Mukriste muñku. “Hoyo ane a do da kha Nñe, A thi nga mu pandeli.” Musi vhakhethwa vho ima tsini na musadzi muñku, vha tshi rabela.

³³¹ Elelwani, na Paulo, we a kandwa nga matombo lu tatisaho u swika he a vha a tshi khou fa, huno musi vhakhethwa vha tshi ima nahone vha rabela, vhutshilo ha vhuja murahu. Ngauri, ngomu ha iyo mivhili ya havho vhakhethwa ho vha hu na maanda a u hanyisa o vhuisaho myua wa vhutshilo murahu kha Paulô Mukhethwa. Mudzimu, vha nga rabela thabelo, ya lufu uri lu bve kha... kana lufu uri lu bve kha muthu, nga thabelo ya lutendo, u ya vhutshiloni. Zwi tendele, Mudzimu a funeaho.

³³² Ri fhañutshedze zwino musi ri tshi lindela kha Iwe. Nga Dzina la Yesu Kristo, ri a rabela.

³³³ Zwino ni tshe no kotamisa ḥoho dzañu, ndi khou ya u humbelia Mukomana Williams.



PFUNDO LA PASEKA TSV65-0410
(The Easter Seal)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Mugivhela, Lambamai 10, 1965, u itela khuvhangano ya Vhučama ha Vhanna vha Vhubindudzi vha Mafhungo-maqifha O Fhelelaho Vhadzitshaka ngei Ramada Inn kha la Phoenix, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ṭhalutshedzo ya Tshivenda yo gandiswa huno ya phačaladzwa nga vha Voice Of God Recordings.

TSHIVENDA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org